

四庫全書

集部

欽定四庫全書

集部

李太白集注卷二十九

六至九

詳校官侍郎 李 封

檢討 臣 何思鈞 覆勘

總校官編修 臣

王 煦 緒

校對官編修 臣

孫 希 旦

謄錄監生 臣

朱 攸

欽定四庫全書

李太白集注卷二十六

錢塘 王琦 撰

表書共九首

為吳王謝責赴行在遲滯表

通鑑天寶十四載十二月安祿山以張通

晤為睢陽太守與陳留長史楊朝宗將胡騎千餘東略地郡縣官多望風降走惟東平太守嗣吳王祗濟南太守李隨起兵拒之郡縣之不從賊者皆依吳王為名十五載二月上以吳王祗為靈昌太守河南都知兵馬使三月戊辰吳王祗擊謝元同走之拜陳留太守河南節度使五月太常卿張垆

薦夷陵太守號王巨有勇略上徵吳王祗為太僕
卿以巨為陳留譙郡太守河南節度使至德二載
十一月張鎬率魯吳來瑱吳王祗李嗣業李奐五
節度徇河南河東郡縣皆下之其赴行在疑在徵
為太僕卿時事漢書徵詣行在所顏師古曰天子
或在京師或出巡狩不可豫定故言行在所耳三
輔黃圖行在所天子以四海為家不以京師宮室
居處為常則當乘車輿以行天下車輿所至奏事
皆曰行在獨斷天子所在曰行在所十六國春
秋天子以四海為家故行曰乘輿止曰行在

臣某言伏蒙聖恩追赴行在臣誠惶誠恐頓首頓首

本繆

少二

臣聞胡馬矯首嘶北風以跼顧越禽高飛戀南枝

而刷羽所以流波思其舊浦落葉墜於木根在物尚然

矧於臣子

齊東野語今臣僚上表所稱誠惶誠恐及誠惟誠喜頓首稽首者謂之中謝中賀自唐以

來其體如此蓋臣某以下略叙數語便入此句然後數陳其詳古詩胡馬依北風越鳥巢南枝水經註胡馬感北風之思遂頓羈絕絆驥首而馳晨發京城食時至燉煌北塞外長鳴而去揚雄甘泉賦仰矯首以高視兮劉良註矯舉也潘岳寡婦賦馬悲鳴而踟顧劉良註踟顧蹢躅顧盼不前也潘岳詩徒懷越鳥志眷戀想南枝梁簡文帝詩銜苔入淺水刷羽向沙洲張協詩流波應舊浦張駿東門行休否有終極落葉思本莖

臣位

叨盤石辜負明時才闕總戎謬當強寇駕拙有素天寶

知之伏惟陛下重紐乾綱再清國步慙

當作慙

臣不逮賜

臣生全歸見白日死無遺恨

韻會叨濫也漢書高帝王子弟地犬牙相制所謂盤

石之宗也韻會孤負也毛氏曰孤負之孤當作孤俗作辜非隋書總戎塞表胡虜清塵盧思道孤鴻賦序才本駕拙性實疏嫻范甯穀梁傳序周道衰陵乾綱絕紐疏曰乾綱者乾為陽喻天子坤為陰喻諸侯天子總統萬物若綱紀衆紐故曰乾綱絕紐者紐是連繫之詞諸侯背叛四海分崩若紐之絕故曰絕紐詩大雅國步斯頻朱子註步猶運也廣韻慙憐也慙聰也然臣年過耳順風也二字異義世多以慙作慙非是

察日加鋒鏑殘骸劣有餘喘雖決力上道而心與願違

貴貪尺寸之程轉增犬馬之戀非有他故以疾淹留郭璞

爾雅注今江東呼病曰瘵廣韻劣弱也少也陳書高祖紀決力取之曹植上責躬應詔詩表不勝犬馬戀主之

情瘵音瘵音的今大舉天兵掃除戎羯所在郵驛徵發交馳

臣逐便水行難於陸進瞻望丹闕心魂若飛慙墜履之
還收喜遺簪之再御不勝涕戀屏營之至謹奉表以聞
繆本少謹奉表以聞五字 韻會獨本地名上黨武鄉
獨室也晉匈奴別部居之後因號胡戎為獨攷文郵境
上行書舍也驛置騎也一云步傳為郵馬傳為驛新書
楚昭王與吳人戰楚軍敗昭王走而履決背而行失之
行三十步復旋取履及至於隨左右問曰王何惜一蹄
履乎昭王曰楚國雖貧豈愛一蹄履哉惡與偕出勿與
俱反也自是之後楚國之俗無相棄者韓詩外傳孔子
出遊少源之野有婦人中澤而哭其音甚哀孔子使弟
子問焉曰夫子何哭之哀婦人曰向者刈著薪亡吾著
簪吾是以哀也弟子曰刈著薪而亡著簪有何悲焉婦
人曰非傷亡簪也蓋不忘故也廣雅屏營任佞也國語
屏營傍徨於山林之中後漢書風夜屏營未知所立蓋

言惶懼之意後人表箋言激切屏
營正是此義 獨音揭屏音并

為宋中丞請都金陵表

宋名若思為
御史中丞

臣某言臣誠惶誠恐頓首頓首臣聞社稷無常奉明者
守之君臣無定位闇者失之所以父作子述重光疊輝
天未絕晉人惟戴唐以功德有厚薄運數有修短功高
而福祚長永德薄而政教陵遲三后之姓於今為庶非

一朝也

左傳社稷無常奉君臣無定位自古已然杜預
注奉之無常人言惟德也書顧命昔君文王武

王宣重光左傳介之推曰獻公之子九人唯君在矣惠
懷無親外內棄之天未絕晉必將有主主晉祀者非君

而誰漢書谷永傳以功德有厚薄期質有修短王嘉傳
縱心恣欲法度陵遲顏師古注陵遲即陵夷也言漸頹
替也魏書政教陵遲至於凋薄左傳三后之姓
於今為庶主所知也杜預注三后虞夏商也 伏惟陛

下欽六聖之光訓擁千載之鴻休有國之本羣生屬望

粵自明兩光岐之陽昔有周太王之興發跡於此天啟

有類豈人事與

六聖高祖太宗高宗中宗睿宗玄宗也
書顧命用答揚文武之光訓孔安國傳

用對揚聖祖文武之大教隋書鴻休永播久而彌新北
齊書太子國之根本周易明兩作離大人以繼明照於
四方唐時岐州領天興岐山扶風麟遊普潤寶雞盤屋
號郿九縣屬關內道去京師三百七十里周太王遷國
於岐山之下即其地也魯頌云后稷之孫實惟太王居
岐之陽實始翦商天寶元年改稱扶風郡肅宗即位於

靈武改稱扶風為鳳翔郡二載遂駐蹕
於鳳翔其年十月克復兩京始還長安

皇朝百五十年

金草不作逆胡竊號剝亂中原雖平嵩丘填伊洛不足

以掩宮城之骸骨決洪河灑秦雍不足以蕩犬羊之羶

臊毒侵區宇憤盈穹旻此乃猛士奮劍之秋謀臣運籌

之日夫不極橫流何以彰聖德不斬巨猾無以興神功

十亂佐周而克昌四凶及虞而乃去去元凶者非陛下

而誰

嵩丘嵩山也為河南巨鎮伊洛二水為河南巨川
見一卷明堂賦注唐書地理志西京宮城長千四

百四十步廣九百六十步周四千八百六十步其崇三
丈有半東都宮城長千六百二十步廣八百有五步周

四千九百二十一歩其崇四丈八尺以象北辰藩衛曰
紫微城雍錄唐都城三重外一重名京城內一重名皇
城又內一重名宮城亦名子城洪河黃河也西京賦帶
以洪河涇渭之川唐之西京古秦地在禹貢為雍州之
域故曰秦雍周禮羊冷毛而羸羸犬赤股而躁膝正義
云依庖人職注膝謂犬也羸謂羊也冷毛謂毛長也羸
謂毛別聚結者此羊肉必羸也赤股者股裏無毛謂之
赤股非謂肉赤而走又躁疾犬有如此者其肉必膝鄭
康成周禮注杜子春云膝犬膏羸羊脂也張衡東京賦
區宇又寧宮是天也爾雅疏李巡云仰視天形穹隆而
高其色蒼蒼故曰穹蒼是閔也言其以仁慈之恩覆閱
在下則稱是今天今曰穹是蓋變文稱之漢書運籌帷幄
之中決勝千里之外傅亮修張良廟教夷項定漢大拯
橫流東京賦巨猾間疊竊弄神器書秦誓子有亂臣十
人同心同德正義云亂治也謂我治理之臣有十人也
論語引此而孔子論之有一婦人焉則十人之中其一

是婦人故先儒鄭玄等皆以十人為文母周公太公召公畢公蔡公太顛闕夭散宜生南宮适也左傳昔帝鴻氏有不才子天下之民謂之渾敦少皞氏有不才子天下之民謂之窮奇顛頊氏有不才子天下之民謂之檣杌此三族也世濟其凶增其惡名以至於堯堯不能去緡雲氏有不才子天下之民以比三凶謂之饗饗舜臣堯賓於四門流四凶族投諸四裔以禦魑魅宋書志堯元凶少雪仇耻

且道有興廢代有

中季漢當三七莽亦為災赤伏再起丕業終光非陸下

至神至聖安能勃然中興乎

漢書谷永傳時世有中季天道有盛衰頽師古注中

讀為仲宋書漢元成世道士言識者云赤厄三七三七二百一十年有外戚之篡阼極三六當有龍飛之秀興復祖宗及莽篡漢漢二百一十年矣莽十八年而敗光武興焉赤伏見九卷注司馬相如封禪文天下之壯觀

王者之
丕業

以臣料人事得失獻疑於陛下臣猶望愚夫

千慮或冀一得

列子北山愚公其妻獻疑漢書廣武君曰臣聞智者千慮必有一失愚者

千慮亦有一得

何當作向

者賊臣楊國忠蔽塞天聰屠割黎庶女弟

席寵傾國弄權九土泉貨盡歸其室怨氣上激水旱薦臻重羅暴亂百姓力屈即欲平殄螫賊恐難應期且圖

萬全之計以成一舉之策

魏書樹列朋黨蔽塞天聰唐書楊國忠傳太真妃即國

忠從祖妹也書畢命茲殷庶士席寵惟舊孔安國傳居寵日久正義云席者人之所處故為居之義太真外傳楊氏權傾天下每有囑請臺省府縣若奉詔勅四方奇貨童僕駝馬日輸其門瀟湘錄楊國忠權勢漸高四方

奉貢珍寶莫不先獻之豪富春華朝廷間無敵通鑑天寶十三載自去歲水旱相繼關中大飢詩大雅飢僅薦臻左傳率我蝥賊以來搖蕩我邊疆今自河以北為胡杜預註蝥賊食禾稼蟲名 蝥音茅

所凌自河之南孤城四壘大盜蝥食割為洪溝宇宙峴

峴

繆本作杌

昭然可觀

凌凌轉謂踐踏也禮記四郊多壘鄭康成註壘軍壁也漢書稍蝥食六國

頽師古註蝥食謂漸吞滅之如蝥食葉也孔穎達毛詩正義蝥食者蝥之食桑漸漸以食使桑盡也洪溝即鴻

溝見十一卷註峴不安也見三卷註

臣伏見金陵舊都地稱天險龍盤

虎踞開局自然六代皇居五福斯在雄圖霸跡隱軫由

存咽喉控帶縈錯如繡天下衣冠士庶避地東吳永嘉

南遷未盛於此

龍盤虎踞見七卷注石林燕語太一有五福大游小游四神天一地一直符君

恭臣恭民恭凡十神皆天之貴神而五福所臨無兵疫玉海說者謂太一貴神有十而尊曰五福遷徙有常率四十五歲而一易靈遊所直之方祥慶駢集兩陽時叙農危屢豐民物阜康無或疵癘晉書武略雄圖比蹤前烈謝靈運詩隱軫邑里密緬邈江海遼史記秦韓之地形相錯如繡宋書永嘉大亂幽冀青并兖州及徐州之淮北流民相率過淮亦有過江在晉陵郡界者臣又聞湯及盤庚五遷其邑

典謨訓誥不以為非衛文徙居楚丘風人流詠

尚書序盤庚五

遷將治亳殷民咨胥怨作盤庚三篇孔安國傳自湯至盤庚凡五遷都史記帝盤庚之時殷已都河北盤庚渡河南復居成湯之故居乃五遷無定處殷民咨胥皆怨不欲徙盤庚乃告諭諸侯大臣正義曰湯自南亳遷西

亳仲丁遷教河宣甲居相祖乙居耿盤庚渡河南居西
亳是五遷也毛詩傳定之方中美衛文公也衛為狄所
滅東徙渡河野處漕邑齊桓公攘夷狄而封之文公徙
居楚丘始建城市營宮室得其時制百姓悅之國家殷
富伏惟陛下因萬人之蕩析乘六合之壽張去扶風萬

有一危之近邦就金陵太山必安之成策苟利於物斷

在宸衷

書盤庚令我民用蕩析離居書無逸無或胥誘張為幻孔安國傳壽張詐也劉琨答盧湛書自

頃轉張國於逆亂李善註轉張驚懼之貌舊說轉壽
通用是太白所用壽張字當作驚懼解 壽音舟 况

齒草羽毛之所生榘楠豫章之所出元龜大貝充牣其

中銀坑鐵冶連綿相屬剡銅陵為金穴煮海水為鹽山

以征則兵強以守則國富橫制八極克復兩京俗畜來

蘇之歡人多後之望

禹貢揚州厥貢齒革羽毛惟木孔安國傳齒象牙革犀皮羽鳥

羽毛菟牛尾木椹梓豫章正義曰椹梓豫章此三者是揚州美木故傳舉以言之所貢之木不止於此大禹謨

昆命於元龜正義曰元龜謂大龜也白虎通江出大貝海出明珠尚書正義伏生書傳云散宜生之江淮取大

貝如大車之渠子虛賦充牣其中者不可勝紀唐書地理志揚州廣陵郡有丹陽監廣陵監錢官二江都縣有

銅六合縣有銅有鐵海陵縣有鹽官天長縣有銅昇州江寧郡上元縣有銅有鐵句容縣有銅溧水縣有銅溧

陽縣有銅有鐵剡湖也銅陵出銅之山金穴藏金之窟漢書採山銅以為錢煮海水以為鹽書仲虺之誥攸徂

之民室家相慶曰僕我后后来其蘇後待陸下西以峨也后君也蘇復生也

嶺為壁壘東以滄海為溝池守海陵之倉獵長洲之苑

雖上林五柞復何加焉

城嶺山見三卷注漢書枚乘傳轉粟西向陸行不絕水行滿河

不如海陵之倉修治上林雜以離宮積聚玩好園守禽獸不如長洲之苑晉灼曰海陵海中山為倉也臣瓚曰海陵縣名也有吳太倉服虔曰長洲吳苑孟康曰以江水洲為苑也韋昭曰長洲在吳東太平寰宇記海陵倉即漢吳王濞之倉也枚乘上書曰轉粟西向水行滿河不如海陵之倉謂海渚之陵因為倉今已堙滅長洲苑在蘇州長洲縣西南七十里藝文類聚吳地記曰長洲在姑蘇南太湖北岸闔閭所遊獵處也吳先主使徐詳至魏魏太祖謂詳曰孤願越橫江之津與孫將軍遊姑蘇之上獵長洲之苑吾志足矣上林苑五柞宮俱見一卷大獵賦

注 一作音昨

上皇居天帝運昌之都儲精真一之境有

虞則北閉劍閣南扃瞿塘蚩尤共工五兵莫向二聖高

枕人何憂哉飛章問安往復巴峽朝發白帝暮宿江陵

首尾相應率然之舉

左思蜀都賦遠則岷山之精上為井絡天帝運期而會昌劉淵林注

河圖括地象曰岷山之地為井絡帝以會昌神以建福上為天井昌慶也言天帝於此會慶建福也甘泉賦儲精垂恩李善注儲精儲蓄精誠也羅革路史注三皇經云皇人者泰帝之所使在峨眉山黃帝往受真一五牙之法揚谷投道記云黃帝見天皇真一之經而不決遂周流四方謂皇人於峨眉而問真一之道其言大率論水火絳宮大淵之事云劍閣見三卷蜀道難注瞿塘見四卷長干行注說文扃外閉之闕也述異記軒轅之

初立也有蚩尤氏兄弟七十二人銅頭鐵額食鐵石軒轅誅之於涿鹿之野蚩尤能作雲霧涿鹿今在冀州有

蚩尤神俗云人身牛蹄四目六手今冀州人掘地得鬪
髀如銅鐵者即蚩尤之骨也秦漢間說蚩尤氏耳鬚如
劍戟頭有角與軒轅鬪以角觸人人不能向羅莘路史
注世本云蚩尤作五兵戈矛戟酋矛夷矛黃帝誅之涿
鹿之野淮南子昔共工之力觸不周之山使地東南傾
與高辛爭為帝遂潛於淵宗族殘滅繼嗣絕祀文獻通
考女媧末年共工氏任智刑以強霸而不王與祝融戰
不勝怒觸不周山以死朝發白帝暮宿江陵詳見二十
卷早發白帝城詩注禮記正義兵書云善用兵者如率
然率然者常山蛇也擊其首則尾至擊其尾則首至擊
其中則首尾俱至 儲

不勝屏營瞻雲望日之至謹先

音除高涓焚切音駒

奉表陳情以聞

謹先以下八字繆本缺 晉書
張軌傳瞻雲望日孤憤義傷

為宋中丞自薦表

臣某聞天地閉而賢人隱雲雷屯而君子用

周易天地閉賢人隱

孔穎達正義謂二氣不交通天地否閉賢人潛隱又周易雲雷屯君子以經綸王弼注君子經綸之時也

臣伏見前翰林供奉李白年五十有七天寶初五府交辟不求聞達亦由于真谷口名動京師上皇聞而悅之

召入禁掖既潤色於鴻業或問草

郭本作進

於王言雍容掄

揚特見褒賞為賊臣詐詭遂放歸山間居製作言盈數萬屬逆胡暴亂避地廬山遇永王東巡脅行中道奔走却至彭澤具已陳首前後經宣慰大使崔渙及臣推覆

清雪尋經奏聞

後漢書張楷傳五府連辟舉賢良方正不就章懷太子注五府太傅太尉司徒

司空大將軍也三國志諸葛亮遺漢末擾亂隨叔父玄避難荊州躬耕於野不求聞達華陽國志鄭子真襄中人也玄靜守道履至德之行乃其人也教曰忠孝愛敬天下之至行也神中五微帝王之要道也成帝元舅大將軍王鳳備禮聘之不應家谷口世號谷口子真漢書谷口鄭子真不詘其志耕於巖石之下名震於京師顏師古漢書注掖門非正門而在兩旁若人之臂掖也雍錄御覽曰出挾省為殿門外出大道為掖門禁掖者謂禁中之掖門也班固兩都賦序以興廢繼絕潤色鴻業李善注言能發起遺文以光讚大業也唐書宰相表至德元載七月庚午蜀郡太守崔渙為門下侍郎同中書門下平章事十一月戊午渙為江南宣慰使臣聞

古之諸侯進賢受上賞蔽賢受明

郭本作顯

戮若三適

郭本作道

稱美必九錫光

繆本作先

榮垂之典謨

繆本作謀

永以為訓臣所

管李白實審無辜懷經濟之才抗巢由之節文可以變

風俗學可以究天人一命不霑四海稱屈

漢書元朔元年詔曰進賢

受上賞蔽賢蒙顯戮古之道也其與中二千石禮官博士議不舉賢者罪有司奏議曰古者諸侯貢士一適謂之好德再適謂之賢賢三適謂之有功乃加九錫服虔曰適適得其人也應劭曰九錫一曰車馬二曰衣服三曰樂器四曰朱戶五曰納陛六曰虎賁七曰鈇鉞八曰弓矢九曰鉅鬯此皆天子制度尊之故事事錫予但數少耳張晏曰九錫備物伯者之盛禮齊桓晉文猶不能備之臣贊曰九錫備物伯者之盛禮齊桓晉文猶不能備今三進賢便受之似不然也當受進賢之一錫尚書太傅云三適謂之有功賜以車服弓矢是也

李太白集注

十二

文麗日月學究天人周禮一命受職再命受服三命受位四命受器五命賜則六命賜官七命賜國八命作牧九命作伯孔穎達禮記正義天子上士三命中士再命下士一命後世以受初品官為一命本此 伏惟

陛下大明廣運至德無偏收其希世之英以為清朝之寶昔四皓遭高皇而不起翼惠帝而方來君臣離合亦各有數豈使此人名揚宇宙而枯槁當年傳曰舉逸人而天下歸心伏惟陛下迴太陽之高輝流覆盆之下照特請拜一京官獻可替否以光朝列則四海豪俊引領知歸不勝悽悽之至敢陳薦以聞

四皓見四卷注抱朴子是責三光不照覆

盆之內也後漢書君以兼覽博照為德臣以獻可替否為忠爾雅替止也廣韻替廢也滅也潘岳秋興賦序攝官承乏猥廁朝列後漢書楊賜傳豈敢愛惜垂沒之年而不盡其悽悽之心哉章懷太子注悽悽猶勤勤也

悽音樓
又音鹽

代壽山答孟少府移文書

方輿勝覽壽山在常德府安樂縣西北六十里

昔山民有壽百歲者前人德安府記西揖白北峯巖秀出其下李太白之廬想見擎丹砂撫青海而凌八極北壽山即太白所謂攢吸霞雨隱居靈仙者也人境之勝如此一統志壽山在湖廣德安府城西北六十里與應山接壤山下居民有壽至百餘歲者故名

淮南小壽山謹使東峯金衣雙鶴銜飛雲錦書於維揚

孟公足下曰僕包大塊之氣生洪荒之間連翼軫之分

野控荆衡之遠勢盤薄萬古邈然星河憑天霓以結峯

倚斗極而橫嶂頗能攢吸霞雨隱居靈仙產隋侯之明

珠蓄卞氏之光寶罄宇宙之美殫造化之奇方與崑崙

抗行閩風接境何人間巫廬台霍之足陳耶

按唐書地理志安州

安陸郡隸淮南道鶴色白而曰金衣雙鶴謂黃鶴也維揚揚州也摘禹貢淮海維揚州之句以成文也高誘淮南子注大塊天地之間也漢書楚地翼軫之分野也今之南郡江夏零陵桂陽武陵長沙及漢中汝南郡盡楚分也宋書翼軫荆州之分也韻會控引也荆衡謂荆州衡州之地或曰荆山衡山也荆山在湖廣襄陽府南漳

縣西北八十里衡山在衡州府衡山縣西三十里薛綜
東京賦注霓天邊氣也世說注舊說云隋侯出行有蛇

斬而中斷者侯連而續之蛇遂得生而去後銜明月珠
以報其德光明照夜同晝因曰隋珠卞和寶玉見四卷

注水經注崑崙崙崙之山三級下曰樊桐一名板松二曰玄
國一名閼風上曰增城一名天庭是謂太帝之居又曰

崑崙崙崙山有三角其一角正北干辰星之輝名曰閼風巔
其一角正西名曰玄圃臺其一角正東名曰崑崙宮巫

山在四川夔州府巫山縣廬山在湖廣九江府德化縣
天台山在浙江台州府天台縣霍山在江南六安州霍

縣山昨於山人李白處見吾子移文繆本作一昨於山人
李白處奉見吾子移

文責僕以多奇鄙繆本作僕以特秀而盛談三山五岳之

美謂僕小山無名無德而稱焉觀乎斯言何太謬之甚

也吾子豈不聞乎無名為天地之始有名為萬物之母
假令登封禮祀曷足以大道譏耶然能損人費物庖殺
致祭暴殄草木鑄刻金石使載圖典亦未足為貴乎且
違人莊生常有餘論以為尺鷃不羨於鵬鳥秋毫可並

於太山由斯而談何小大之殊也

老子無名天地之始
有名萬物之母河上

公注無名者謂道無形故不可名也始者道之本吐炁
布化出於虛無為天地本也有名謂天地有形位陰陽
有剛柔是其有名也萬物母者天地含氣生萬物長大
成熟如母之養子漢書武帝紀夏四月癸卯上還登封
泰山孟康曰王者功成治定告成功於天封崇也助天
之高也刻石紀號有金策石函金泥玉檢之封焉應劭

曰封者壇廣十二丈高二丈階三等封於其上示增高也刻石紀績也立石三丈一尺其辭曰事天以禮立身以義事親以孝育民以仁四守之內莫不為郡縣四夷八蠻咸來貢職與天無極人民蕃息天祿永得尚玄酒而俎生魚下禪梁父祀地主示增廣此古制也周禮以稷祀祀昊天上帝孔安國尚書傳稽義以享謂之稷杜預左傳注潔齊以享謂之稷說文錫珣石也尺鷃鵬鳥見一卷大鵬賦注莊子天下莫大於秋毫之末而太山為小郭象注夫以形相對則太山大於秋毫也若各據其性分物實其極則形大未為有餘形小不為不足苟各安於其性則秋毫不獨小其小而太山不獨大其大矣若以性足為大則天下之足未有過於秋毫也若性足者非大則雖太山亦可稱小矣故曰天下莫大於秋毫之末而太山為小太山為小則天下無大矣秋毫為大則天下又怪於諸山藏國寶隱國賢使吾君傍道燒無小矣

山披訪不獲非通談也夫皇王登極瑞物昭至蒲萄翡翠以納貢河圖洛書以應符設天網以掩賢窮月窟以率職天不秘寶地不藏珍風威百蠻春養萬物王道無外何英賢珍玉而能伏匿於巖穴耶所謂傍道燒山此則王者之德未廣矣昔太公大賢傳說明德棲渭川之水藏虞虢之巖卒能形諸兆朕感乎夢想此則天道闇合豈勞乎搜訪哉果投竿詣麾捨筭作相佐周文讚武丁總而論之山亦何罪乃知巖穴為養賢之域林泉非

祕寶之區則僕之諸山亦何負於國家矣

晉書孫惠詭稱南岳逸士

秦祕之以書干東海王越越省書榜道以求之惠乃出見越越即以爲記室叅軍專掌文疏預叅謀議三國志注文士傳曰太祖雅聞阮瑀名辟之不應連見迫促乃逃入山中太祖使人焚山得瑀送至梁郃陵王貞白先生陶君碑榜道求賢焚林招士鍾嶸詩品屬詞比事乃爲通談酉陽雜俎尉瑾曰蒲萄出自大宛張騫所致有黃白黑三種成熟之時子實遍側星編珠聚西域多釀以爲酒每來歲貢周書王會解成周之會倉吾翡翠翡翠者所以取羽琦按蒲萄西域所產翡翠南越所產畧舉二物以見遠方納貢之意淮南子洛出丹書河出綠圖白虎通王者德至淵泉則河出龍圖洛出龜書宋書黃帝軒轅氏遊於洛水之上見大魚殺五牲以饗之天乃甚兩七日七夜魚流於海得圖書焉龍圖出河龜書出洛赤文篆字以授軒轅禮緯含文嘉伏羲德合上下

天應以鳥獸文章地應以河圖洛書則而象之乃作八卦
卦曹植與楊修書吾王於是設天網以該之頓八紘以
掩之顏延年宋郊祀歌月窟來賓呂延濟注窟窟也月
窟西極顏延年緒白馬賦五方率職四隩八貢家語昔
武王克商通道於九夷百蠻王肅注百蠻夷狄百種也
漢書威震百蠻武暢西海後漢書杜篤傳屠裂百蠻章
懷太子注百蠻夷狄之總稱也公羊傳桓八年王者無
外楚辭章句周文王夢立令狐之津太公在後帝曰昌
賜汝名師文王再拜太公夢亦如此文王出田見讖所
夢載與俱歸以為太師傳說抱懷道德而遭遇於刑罰
操築作於傅巖武丁思想賢者夢得聖人以其形象求
之因得傳說登以為公道用大興孔安國尚書傳傅氏
之巖在虞號之界通道所經有澗水壞道常使胥靡刑
人築護此道說賢而隱代胥靡築之以供食正義曰尸
子云傅巖在北海之州傳言虞號之界孔必有所案據
而言之也皇甫謐云高宗夢天賜賢人胥靡之衣裳之

而來曰我徒也姓傳名說天下得我者豈徒也哉武丁
悟而推之曰傳者相也說者懽悅也天下當有傳我而
說民者哉明以夢視百官百官皆非也乃使百工寫其
形像求諸天下果見築者胥靡衣褐帶索執役於虞號
之間傳巖之野名說以其得之傳巖謂之傳說淮南子
欲與物接而未成兆朕高誘注兆朕形怪也廣韻吉凶
形兆謂之兆朕韻會麾旗屬周禮建大麾以
田窳音毳又音串義同朕直引切陳上聲近者逸人

李白自峨眉而來爾其天為容道為貌不屈已不干人
巢由以來一人而已乃蚪蟠龜息遁乎此山僕嘗弄之
以綠綺卧之以碧雲嗽之以瓊液餌之以金砂既而童
顏益春真氣愈茂將欲倚劍天外挂弓扶桑浮四海橫

八荒出宇宙之寥廓登雲天之渺茫俄而李公仰天長
吁謂其友人曰吾未可去也吾與爾達則兼濟天下窮
則獨善一身安能養君紫霞蔭君青松乘君鸞鶴駕君
蚪龍一朝飛騰為方丈蓬萊之人耳此則未可也乃相
與卷其丹書匣其瑤瑟申管晏之談謀帝王之術奮其
智能願為輔弼使寰區大定海縣清一事君之道成榮
親之義畢然後與陶朱留侯浮五湖戲滄洲不足為難
矣即僕林下之所隱容豈不大哉必能資其聰明輔以

正氣借之以物色發之以文章雖烟花中貧沒齒無恨

其有山精木魅雄虺猛獸以驅之四荒磔裂原野使影

跡絕滅不干戶庭亦遣清風掃門明月侍坐此乃養賢

之心實亦勤矣

莊子道與之貌天與之形左思吳都賦
輪圓蚪蟠說文蚪龍子無角者抱朴子

史記龜策傳云江淮間居人為兒時以龜支牀至後死
家人移牀而龜故生此亦不減五六十年也不飲不食
如此之久而不死其與凡物不同亦遠矣仙家象龜之
息豈不有以乎廣博物志司馬相如作玉如意賦梁王
悅之賜以綠綺之琴琴銘曰桐梓合精見古琴疏璞液
玉液也金砂仙藥也俱見二十一卷注阮籍詩彎弓挂
扶桑長劍倚天外方丈蓬萊見四卷注陸機詩佳人理
瑤瑟孔叢子王者前有凝後有丞左有輔右有弼謂之

四近後漢書蟬蛻蠶埃之中自致寒區之外隋書皇明御歷仁深海縣後漢書憲度既張遠過清一吳都賦川濟為之中貧後漢書以為沒齒之恨章懷太子注沒終也齒年也木魁山精見二十二卷注雉虺見一卷注猛獸猛虎也唐人諱虎或易稱武或易稱獸韻會磔裂也 蚪音求磔音窄 孟子孟子無見深責耶明年青春求我於此巖也

上安州李長史書

今湖廣之德安府在唐時為安州地屬淮南道州設長史一人

正五
品上

白欽崎歷落可笑人也雖然頗嘗覽千載觀百家至於聖賢相似厥衆則有若似於仲尼紀信似於高祖牢之

似於無忌宋玉似於屈原而遙觀君侯竊疑魏洽便欲

趨就臨然舉鞭遲疑之間未及迴避且理有疑誤而成

過

一本無過字

事有形似而類真惟大雅含弘方能恕之也

晉書桓彝字茂倫雅為周顛所重顛嘗歎曰茂倫嶷嶷
歷落固可笑人也漢書武帝罷黜百家表章六經顛師
古注百家謂諸子雜說史記孔子既没弟子思慕有若
狀似孔子弟子相與共立為師師之如夫子時也史記
漢書載紀信誑楚事不言其貌似高祖惟白帖云紀信
貌似漢王乘黃屋車左纛詐稱漢王出降項羽不詳出
於何書要必有所本晉書何無忌劉牢之甥酷似其
舅襄陽者舊傳宋玉識音而善文襄王好樂而愛賦既
美其才而憎其似屈原也日子盍從俗使楚人貴子之
德乎漢書注如淳曰漢儀注列侯為丞相稱君侯師古

欽定四庫全書

李太白集注

十六

曰楊惲傳丘常謂惲為君侯是則通呼列侯之尊稱耳
非必在於丞相也盧湛贈劉琨詩序大雅含弘量苞山

數白少頗周慎忝聞義方入暗室而無欺屬昏行而不

變今小人履疑誤形似之迹君侯流愷悌矜恤繆本之作捨

恩戢秋霜之威布冬日之愛睟容有穆怒顏不彰雖將

軍息恨於長孺一作孫之前此無慙德司空受揖於元淑

之際彼未為賢一言見寬當作免九死非謝後漢書龍伯高敦厚周慎

口無擇言嵇康詩萬石周慎安親保榮周慎謂周詳審
慎也左傳臣聞愛子教之以義方邢昺曰方猶道也南

史梁簡文帝紀弗欺暗室豈况三光又阮長之為中書
郎直省夜往隣省誤著履出閣依事自列門下以暗夜

人不知不受列長之固遣送曰一生不侮閭室列女傳
衛靈公與夫人夜坐聞車轆轤至闕而止過闕復有聲
公問夫人曰知此為誰夫人曰此蘧伯玉也公曰何以
知之夫人曰妾聞禮下公門式路馬所以廣敬也夫忠
臣與孝子不為昭昭變節不為冥冥墮行蘧伯玉衛之
賢大夫也仁而有智敬於事上此其人必不以暗昧廢
禮是以知之劉勰新論蘧瑗不以昏行變節詩小雅既
見君子孔燕豈弟毛傳曰豈樂弟易也荀悅申鑒喜如
春陽怒如秋霜十六國春秋去秋霜之威垂三春之澤
左傳趙衰冬日之日也趙盾夏日之日也杜預注冬日
可愛夏日可畏也王融三月三日曲水詩序晬容有穆
賓儀式序張說注晬潤澤之貌也穆和也漢書汲黯字
長孺為人性倨少禮大將軍青既益尊姁為皇后然黯
與亢禮或說黯曰自天子欲令羣臣下大將軍大將軍
尊貴誠重君不可以不拜黯曰夫以大將軍有揖客反
不重耶大將軍聞愈賢黯數請問以朝廷所疑遇黯加

於平日司空受揖事未詳後漢書趙壹字元叔漢陽西
縣人光和元年舉郡上計到京師是時司徒袁逢受計
計吏數百人皆拜伏庭中莫敢仰視壹獨長揖而已逢
望而異之命左右往讓之曰下郡計吏而揖三公何也
對曰昔鄴食其長揖漢王今揖三公何遽怪哉逢即斂
衽下堂延置上坐因問西方事大悅顧謂坐中曰此漢
陽趙元叔也朝臣莫有過之者吾請為諸君分坐坐者
皆屬觀或用其事司空當是司徒元叔當是元叔之誤
未可知也楚辭雖九死
其猶未悔 畔音粹

白孤劍誰託悲歌自憐迫於恓

惶席不暇暖寄絕國而何仰若浮雲而無依南徙莫從

北遊失路遠

繆本作言

客汝海近還邛

蕭本作邛

城昨遇故人飲

以狂藥一酌一笑陶然樂酣困河朔之清觴飫中山之

醇酎屬早日初眩晨霾未收之離朱之明珠王戎之視
青白其眼瞢而前行亦何異抗莊公之輪怒螳螂之臂
御者趨召明其是非入門鞠躬精鬼飛散昔徐邈綠醉
而賞魏王却以為賢無鹽因醜而獲齊君待之逾厚白

妄人也安能比之上挂國風相鼠之譏下懷周易履虎

之懼慙

當作
慙

以固陋禮而遣之幸容甯越之辜深荷王

公之德銘刻心骨退思狂慙五情冰炭固知所措畫愧

於影夜慙於鬼啟處不遑戰跼無地

陳子昂詩孤劍將
何託長謠塞上風

班固答賓戲聖哲之治棲棲遑遑孔席不煖墨突不黔
李善注棲遑不安居之意也韋昭曰煖溫也言坐不煖
席也淮南子墨子無煖席高誘曰坐席不至於溫歷行
諸國汎汎於行道也宋書竈不得黔席未暇煖絕國謂
遠地見六卷注汝海見十三卷注史記正義括地志云
安州安陸縣城本春秋時鄆國城杜預春秋經傳集解
鄆國在江夏雲杜縣東南有鄆城邛城即鄆城也古字
通用晉書長水校尉孫季舒嘗與石崇酣燕慢傲過度
崇欲表免之裴楷聞之謂崇曰足下飲人狂藥責人正
禮不亦乖乎初學記魏文帝典論曰大駕都許使光祿
大夫劉松北鎮袁紹軍與紹子弟日共晏飲常以三伏
之際晝夜酣飲極醉至於無知云以避一時之暑故河
朔有避暑飲江總瑪瑙盃賦獲阿宗之美寶命河朔之
名觴左思魏都賦醇酎中山流酒千日劉淵林注中山
出好酎酒其俗傳云昔有人曰玄石者徙中山酒家沽
酒酒家與之千日之酒語其節度比歸百里可至於醉

如其言飲之至家而醉其家不知其醉以為死也斂棺而葬之中山酒家計向千日憶曰玄石前來沽酒其醉可解也遂往問其隣人曰玄石死來三年服已闋矣於是與其家至玄石冢上掘而開其棺玄石於是醉始解起於棺中其俗語曰玄石飲酒一醉千日說文耐三重醇酒也晨靈早時昏霧之氣趙岐孟子注離婁古之明目者蓋以為黃帝時人也黃帝亡其玄珠使離朱索之離朱即離婁也能視於百步之外見秋毫之末晉書王戎幼而穎悟神彩秀徹視日不眩裴楷見而目之曰戎眼爛爛如巖下電又晉書阮籍能為青白眼見禮俗之士以白眼對之及嵇喜來弔籍作白眼喜不懌而退喜弟康聞之乃齋酒挾琴造焉籍大悅乃見青眼顧會稽目不明也韓詩外傳齊莊公出獵有螳螂舉足將搏其輪問其御曰此何蟲也對曰此螳螂也其為蟲知進而不知退不量力而輕就敵莊公曰以為人必為天下勇士矣於是迴車避之而勇士歸焉莊子汝不見夫螳螂

乎怒其臂以當車轍不知其不勝任也魏志徐邈為尚書郎時科酒禁而邈私飲至於沈醉校士趙達問以曹事邈曰中聖人達白之太祖太祖甚怒鮮于輔進曰平日醉客謂酒清者為聖人濁者為賢人邈性修慎偶醉言耳竟坐得免刑文帝踐阼車駕幸許昌問邈曰願復中聖人否邈對曰昔子反斃於陽穀御叔罰於飲酒臣嗜同二子不能自懲時復中之然宿瘡以醜見傳而臣以醉見識帝大笑顧左右曰名不虛立無鹽醜女見四卷注詩國風相鼠有皮人而無儀人而無儀不死何為周易履虎尾咥人凶世說王安期作東海郡吏錄一犯夜人來王問何處來云從師家受書還不覺日晚王曰鞭撻甯越以立威名恐非致理之本使吏送令歸家廣韻愆過也俗作愆五情見二卷注郭象莊子注喜懼戰於胷中固已結水炭於五藏矣詩小雅王事靡盬不遑飲於據切於去聲耐音宙靈音埋普音夢伏惟君侯明

奪秋月和均韶風掃塵詞場振發文雅陸機作太康之

傑士未可比肩曹植為建安

繆本作武誤

之雄才惟堪捧駕

天下豪俊翕然趨風白之不敏竊慕餘論

南齊書提清譽於弱齡發

韶風於早日韶風和風也鍾嶸詩品陳思為建安之傑

陸機為太康之英太康西晉年號時則有左思潘岳二

張二陸之詩建安漢末年號時則有曹氏父子及何圖

邨中七子之詩說苑比肩繼踵而在何為無人

何圖

叔夜潦倒不切於事情正平猖狂自貽於耻辱一忤容

色終身厚顏敢昧

繆本作沐芳

負荆請罪門下倘免以訓責

恤其愚蒙如能伏劍結纓謝君侯之德

嵇叔夜與山巨源絕交書足下

舊知吾潦倒屣踈不切事情後漢書禰衡字正平孔融
深愛其才數稱述於曹操操欲見之而衡素相輕疾自
稱狂病不肯往而數有恣言操懷忿以其才名不欲殺
之聞衡善擊鼓乃召為鼓吏因大會賓客試閱音節諸
吏過者皆令脫其故衣更著岑牟單絞之服次至衡衡
方為漁陽摻搥蹀躞而前容態有異聲節悲壯聽者莫
不慷慨衡進至操前而止吏呵之曰鼓吏何不改裝而
輕敢進乎衡曰諾於是先解袒衣次釋餘服裸身而立
徐取岑牟單絞而著之復摻搥而去顏色不忤操笑曰
本欲辱衡衡反辱孤孔稚珪北山移文芳杜厚顏薜荔
無耻史記燕頗肉袒負荊至蘭相如門謝罪索隱曰負
荊者荆楚也可以為鞭者也左傳魏絳將伏劍士魴張
老止之孔穎達正義將伏劍謂仰劍刃身伏其上而取
死也左傳太子下石乞孟賡敵子路以戈擊之斷纓子
路曰君子死冠不免結纓而死江淹上建平王
書結纓伏劍少謝萬一猶云殺身以報德也 敢以近

所為繆本作敢
一夜力撰春遊救苦寺詩一首十韻石巖寺詩一

首八韻上揚都尉詩一首三十韻辭旨狂野貴露下情

輕下視聽幸乞詳覽

方輿勝覽救苦寺在常德府西四里今名勝業院李白有春遊救苦

寺詩今考集中
三詩皆不傳

與賈少公書

唐人通呼縣尉曰少府少公即少府也書內有中原橫潰及王命崇重大

總元戎辟書三至嚴期迫切等語疑是永玉璘裔行時所作

上似有
闕文

宿昔惟清勝白綿疾疫滿去期恬退才微識淺

無足濟時雖中原橫潰將何以救之王命崇重大總元

戎辟書三至人輕禮重嚴期迫切難以固辭扶力一行

前觀進退

謝靈運詩疲蒿慙貞堅呂向注疲蒿因極之親宋書孝武帝紀恬退自守不交當世南史

儒林傳中原橫潰衣冠道盡洪書統辟元戎類師古注元戎大衆也庾信哀江南賦實總元戎身先士卒阮籍奏記辟書始下下走為首李善注辟猶召也徐陵與宗室書扶力為書多不詮次扶力猶勉力也旦殷

深

繆本缺深字

源廬岳十載時人觀其起與不起以卜江左

興亡謝安高卧東山蒼生屬望白不樹矯抗之跡耻振

玄邈之風混遊漁商隱不絕俗豈徒販賣雲壑要射虛

名方之二子實有慙德徒塵忝幕府終無能為

世說殷深源在

墓所幾十年於時朝野以擬管葛起不起以卜江左興
亡謝安高卧東山見七卷注劉琨勸進表存舜禹至公
之情狹巢由矯抗之節桓溫薦譙元彥表洗耳投淵以
振玄邈之風後漢書郭林宗傳隱不違親貞不絕俗孔
稚珪北山移文誘我松桂欺我雲壑書仲虺唯當報國
之誥惟有慙德孔傳曰慙德慙德不及古也

薦賢持以自免斯言若謬天寶亟之以足下深知具申

中款惠子知我夫何間然勾當小事但增悚惕一作佩

陸雲

詩何用結中款仰指北辰星曹子建與楊德祖書其言
之不慙恃惠子之知我也李周翰注我有此言而不慙
者恃子恩惠之知我也一云惠子惠施也勾當幹
辦也唐宋時俚語今北人猶有此言俱作去聲呼

為趙宣城與楊右相書

趙宣城宣城太守趙悅也
唐書天寶十一載十一月

庚申楊國
忠為右相

某啟辭違積年伏戀軒屏首冬初寒伏惟相公尊體起
居萬福某蒙恩才朽蓋邁徒延聖日少忝末吏本乏遠
圖中年廢缺分歸園壑昔相公秉國憲之日一拔九霄
拂刷前趾昇騰晚官恩貸稠疊實戴丘山落羽再振枯
鱗旋躍運以大風之舉假以磨當作天之翔衣繡霜臺
含香華省宰劇慙強項之名酌貪囑清心之節三典列
郡寂無成功但宣布王澤式酬天獎

陸雲與陸典書年
長而志新蓋邁而

曾勣唐書楊國忠傳天寶七載擢給事中兼御史中丞
蔡邕文烈侯楊公碑逮作御史允執國憲阮籍詩高鳥
摩天飛凌雲共遊戲繡衣御史之服霜臺御史之府俱
見十一卷注初學記應劭漢官儀曰尚書郎含鷄舌香
伏奏事黃門侍郎對揖跪受故稱尚書郎懷香握蘭趨
走丹墀宋書尚書郎口含雞舌香以其奏事對答欲使
氣息芬芳也潘岳秋興賦獨展轉於華省漢光武呼洛
陽令董宣為強項令見十二卷注晉書廣州包帶山海
珍異所出一篋之寄可資數世然多瘴疫人情憚馬惟
貧窶不能自立者求補長史故前後刺史皆多贖貨朝
廷欲革嶺南之弊隆安中以吳隱之為廣州刺史未至
州二十里地名石門有水曰貪泉飲者懷無厭之欲隱
之既至語其親人曰不見可欲使心不亂越嶺表清吾
知之矣乃至泉所酌而飲之賦詩曰古人云此水一飲
懷千金試使夷齊飲終當不易心在州清操逾厲典守
也班固兩都賦序王澤竭而詩不作任昉奏答勅示七

夕詩啟牽率庸陋式酬天獎劉
良注式用也酬答也獎猶恩也伏惟相公開張徽猷寅

亮天地入夔龍之室持造化之權安石高枕蒼生是仰

詩小雅君子有徽猷毛傳曰徽美也鄭箋曰猷道也君
子有美道以得聲譽也書周官貳公弘化寅亮天地孔
傳曰敬信天地之教安石不
出當如蒼生何見七卷注 某鳴躍無已剪拂因人銀

章朱紱坐榮宦達身荷宸眷

繆本作曉

目識龍顏既齊飛於

鷄

郭本作駕

鷺復寄跡於門館皆相公大造之力也而鐘鳴

漏盡夜行不息止足之分實愧古人犬馬戀主迫於西

汜所冀枯松晚歲無改節於風霜老驥餘年期盡力於

蹄足上答明主下報相公縷縷之誠屏息於此

三剪拂見三卷注

銀章朱紱見十一卷注北史劉炫傳以此庸虛屢動宸眷隋書音樂志懷黃綰白鷄鷲成行三國志田豫屢乞遜位司馬宣王以為豫克壯書喻未聽豫書答曰年過七十而以居位譬猶鐘鳴漏盡而夜行不休是罪人也

蒲岳間居賦序覽止足之分庶浮雲之志晉書陶侃季年懷止足之分不與朝權犬馬總主見本卷注楚辭出

自湯谷入於蒙汜王逸注汜水涯也言日出東方湯谷之中入西極蒙水之涯也謝瞻詩扶光迫西汜呂延濟

注扶光日也迫薄也西汜日入處也縷縷見本卷注盧思道勞生論云違時薄宦屏息窮居

伏惟相

公收遺簪於少昊

當作原

念亡弓於楚澤哀當益壯結草

知歸瞻望恩光無忘景刻

獨異志孔子行過少陵原聞婦人哭甚哀使子貢問馬何

哭之悲也婦人曰向者刈薪而遺簪孔子復問曰刈薪遺簪乃常也而哭悲者何也答曰非惜一簪所以悲不忘故也家語楚王出遊亡烏鵲之弓左右請求之王曰己之楚王失弓楚人得弓又何求之後漢書馬援嘗謂賓客曰丈夫為志窮當益堅老當益壯左傳魏顆敗秦師於輔氏獲杜回秦之力人也初魏武子有嬖妾無子武子疾命顆曰必嫁是疾病則曰必以為殉及卒顆嫁之曰疾病則亂吾從其治也及輔氏之役顆見老人結草以亢杜回杜回躡而顛故獲之夜夢之曰子爾所嫁婦人之父也爾用先人之治命予是以報江淹上建平王書大王惠以恩光願以顏色謝靈運詩愛客不告疲飲讌遺景刻李善注刻漏刻也

與韓荊州書

唐書韓朝宗初歷左拾遺累遷荊州長史開元二十二載初置十道採訪

使朝宗以襄州刺史兼山南東道坐所任吏擅賦役貶洪州刺史天寶初召為京兆尹出為高平太

守貶吳興別駕卒喜識拔後進當薦
崔宗之嚴武於朝當時士咸歸重之

白聞天下談士相聚而言曰生不用萬戶侯但願一識
韓荊州何令人之景慕一至於此耶豈不以有周公之
風躬吐握之事使海內豪俊奔走而歸之一登龍門則
聲譽十倍所以龍盤鳳逸之士皆欲收名定價於君侯
願君侯不以富貴而驕之寒賤而忽之則三千賓中有

毛遂使白得脫穎而出即其人焉

梁簡文帝啟矧彼前
賢寧忘景慕韓詩外

傳周公曰吾文王之子武王之弟成王之叔父也又相
天下吾於天下亦不輕矣然一沐三握髮一飯三吐哺

猶恐失天下之士淮南子智過萬人者謂之英千人者謂之俊百人者謂之豪十人者謂之傑世說李元禮風格秀整高自標持欲以天下名教是非為己任後進之士有升其堂者皆以為登龍門史記平原君合從於楚約與食客門下有勇力文武備具者二十人偕得十九人有毛遂者前自贊於平原君平原君曰賢士之處世也譬若錐之處囊中其末立見今先生處勝之門下三年於此矣左右未有所稱誦勝未有所聞是先生無所得也毛遂曰臣乃今日請處囊中耳使遂早

白隴西布

衣流落楚漢十五好劍術徧干諸侯三十成文章歷抵

卿相雖長不滿七尺而心雄萬夫王公大人

舊本作臣今從唐文

本粹許與氣義此疇曩心跡安敢不盡於君侯哉

繆本作太

白本蜀人稱隴西者本先世族望而言也爾雅曩嚮也曻曩猶曻昔曩乃黨切曩上聲君侯制作

侔神明德行動天地筆參造化學究天人

舊本作筆參於造化學究

於天人今從唐文粹本

幸願開張心顏不以長揖見拒必若接之

以高宴縱之以清談請日試萬言倚馬可待今天下以

君侯為文章之司命人物之權衡一經品題便作佳士

而君侯何惜階前盈尺之地不使白揚眉吐氣激昂青

雲耶

何承天達性論妙思窮幽頤制作侔造化後漢書言行動天地舉厝移陰陽梁書鍾嶸傳文麗日月

學究天人北史崔陵常與蕭祇明少遐等高宴終日獨無言世說桓宣武北征袁虎時從會須露布文喚袁倚

馬前令作手不輟筆
俄得七紙殊可觀

昔王子師為豫州未下車即辟荀

慈明既下車又辟孔文舉山濤作冀州甄拔三十餘人

或為侍中尚書先代所美而君侯亦薦一嚴協律入為

秘書郎中間崔宗之房習祖黎昕許瑩之徒或以才名

見知或以清白見賞白每觀其銜恩撫躬忠義奮發以

此感激知君侯推赤心於諸賢腹中所以不歸他人而

願委身國士倘急難有用敢效微軀

繆本作驅 後漢書王允字子師太

原邗人也中平元年特選拜豫州刺史辟荀爽孔融等
為從事晉書江統傳昔王子師為豫州未下車辟荀慈

明下車辟孔文舉晉書山濤出為冀州刺史冀州俗薄
無相推轂濤甄拔隱屈搜訪賢才旌命三十餘人皆顯
名當時人懷慕尚風俗頗草唐書百官志太常寺有協
律郎二人正八品上掌和律呂後漢書光武自乘輕騎
案行部陣降者更相語曰蕭王推赤心置
人腹中安得不投死乎 昕音欣瑩音榮 且人非堯舜

誰能盡善白謨猷籌畫安能自

舊本作盡今從唐文粹本

矜至於制

作積成卷軸則欲塵穢視聽恐雕蟲小技不合大人若

賜觀芻蕘請給紙墨兼之書人

舊本作兼人書之今從唐文粹本

然後

退掃

舊本作歸今從唐文粹本

閒軒繕寫呈上庶青萍結綠長價於

薛卞之門幸惟下流大開獎飾惟君侯圖之

任昉齊竟陵文宣王

行狀所造箴銘積成卷軸三國志陸凱傳穢塵天聽隋書李德林傳經國大體是賈生晁錯之傳雕蟲小技殆子雲相如之輩雕蟲見二卷注詩大雅先民有言詢於芻蕘南齊書高嘯聞軒韻會編錄文字謂之繕寫青萍劍名結綠玉名俱見九卷注越絕書客有能相劍者名薛燭詳見二卷注新序荆人卞和得玉璞詳見四卷注

上安州裴長史書
通典安州今理安陸縣春秋邾子之國雲夢之澤在焉後楚滅邾封闕辛為邾公即其地也注邾或作郟

白聞天不言而四時行地不語而百物生白人焉非天

地繆本多一也字安得不言而知乎敢剖心析肝蕭本作刻心析肝論

舉身之事便當談笑以明其心而粗陳其大綱一快憤

憑惟君侯察焉

北史長孫紹遠曰夫天不言四時行焉地不言萬物生焉史記鄒陽傳兩臣二

主剖心析肝相信豈移於浮詞哉漢書司馬遷傳是僕終已不得舒憤憑以曉左右顏師古注憑煩悶也

即析字憑音 白本家金陵世為右姓遭沮渠蒙遜難奔

流咸秦因官寓家少長江漢五歲誦六甲十歲觀百家

軒轅以來頗得聞矣常橫經藉書制作不倦迄於今三

十春矣

按晉書涼武昭王諱暠字玄盛隴西成紀人姓李氏漢前將軍廣之十六世孫也廣曾孫仲翔

後漢初為將軍討叛羗於素昌素昌乃狄道也衆寡不敵死之仲翔子伯考奔喪因葬於狄道之東川遂家焉世為西州右姓玄盛當呂氏之末為群雄所奉遂啟霸圖兵不血刃坐定千里進號大都督大將軍涼公領秦

涼二州牧據河右遷都酒泉亮子歆嗣位為沮渠蒙遜
所滅諸弟酒泉太守翻新城太守預領羽林監密左將
軍姚右將軍軍亮等西奔燉煌翻及弟燉煌太守恂與諸
子等棄燉煌奔於北山郡人宋承張弘以恂在郡有惠
政推為冠軍將軍涼州刺史蒙遜屠其城歆子重耳脫
身奔於江左仕於宋後歸魏為弘農太守蒙遜徙翻子
寶等於姑藏歲餘北奔伊吾後歸於魏胡應麟續筆叢
涼武昭王之世南北瓜分已久即云先世金陵後遷隴
蜀亦萬萬不通蓋後人因白僑寓白門而偽為此書云
云琦按自本家金陵至少長江漢二十餘字必有缺文
訛字否則金陵或是金城之謬亦未可知斷為偽作者
非是唐書柳沖傳江左定氏族凡郡上姓第一則為右
姓太和以郡四姓為右姓齊浮屠曇剛類例凡甲門為
右姓周建德氏族以四海通望為右姓隋開皇氏族以
上品茂姓則為右姓唐貞觀氏族志凡第一等則為右
姓路氏著姓畧以盛門為右姓李冲姓族係錄凡四海

望族則為右姓禮記九年教之數目鄭康成注朔望與六甲也漢書八歲入小學學六甲五方書計之事南史顧歡年六七歲知推六甲六甲今之六十甲子史記賈生年少頗通諸子百家之書北齊書儒林傳橫經受業之侶遍於鄉邑漢書叔傳徒樂以為士生則桑弧蓬矢枕經籍書紆體橫門沮音道

射乎四方故知大丈夫必有四方之志乃仗

繆本作杖

劍去

國辭親遠遊南窮蒼梧東涉溟海見鄉人相如誇雲

夢之事云楚有七澤遂來觀焉而許相公家見招妻

以孫女便憩跡

繆本無跡字

於此至移三霜焉

禮記男子生桑弧蓬矢六以射

天地四方天地四方者男子之所有事也故必先有志於其所有事仗持也古杖仗通用漢書韓信傳項梁渡

淮信乃杖劍從之陳平傳平身閒行杖劍六渡河穎師
古曰言直帶一劍更無餘資蒼梧見五卷注雲夢七澤
見一卷注許相公謂許圜師按舊唐書許紹字嗣宗本
高陽人梁未徙於周因家於安陸累官硤州刺史封安
陸郡公少子圜師有器幹博涉藝文舉進士顯慶三年
累遷黃門侍郎同中書門下三品龍朔中為左相為李
義山所擠左遷虔州刺史尋轉相州刺史
史上元中再遷戶部尚書儀鳳四年卒

不逾一年散金三十餘萬有落魄公子悉皆濟之此則

是白之輕財好施也

向秀思舊賦序追思曩昔遊晏之
好禹貢淮海維揚州落魄見三卷

注魄
音薄

又昔與蜀中友人吳指南同遊於楚指南死於

洞庭之上白禫服慟哭若喪天倫炎月伏屍泣盡而郭

氏

本無而字繼之以血行路聞者悉皆傷心猛虎前臨堅守不

動遂權殯於湖側便之金陵數年來觀筋肉

集本作骨今從唐文

本粹尚在白雪泣持刃躬申洗削裹骨徒步負之而趨寢

輿攜持無輟身手遂丐貸營葬於鄂城之東故鄉路遙

魂魄無主禮以遷窆式昭朋情此則是白存交重義也

禮記中月而禫禫而織鄭康成注黑經白緯曰織舊說織冠者采纓也孔穎達正義禫而織者禫祭之時立冠朝服禫祭既訖而首著織冠身著素端黃裳以至吉祭禫服即素服之義天倫兄弟也見十五卷法雪泣拭淚也見二十五卷注鄂城謂江夏郡城本名鄂州故曰鄂城小爾雅下棺謂之窆禫徒感切單上聲窆音賤

又昔與逸人東嚴子隱於岷山之陽白巢居數年不跡
城市養奇禽千計呼皆就掌取食了無驚猜廣漢太守

聞而異之詣廬親觀因舉二人以有道並不起此則白

養高忘機不屈之跡也

尚書蔡傳晁氏曰蜀以山近江源者通為岷山連峯接岫重疊

險阻不詳遠近青城天彭之所環繞皆古之岷山青城乃其第一峯也地理今釋岷山跨古雍梁二州自陝西鞏昌府岷州衛以西大山重谷豁砦起伏西南走蠻箐中直抵四川成都府之西境凡茂州之雪嶺灌縣之青城皆其支脉而導江之處則在今松潘衛北西番界之浪架嶺漢書地理志所云岷山在湍道縣西徼外是也太白巴西郡人唐之巴西郡即漢之廣漢郡地取舊名以代時稱唐人多有此習其實唐時無廣漢太守之名

也有道唐取士科名唐書高
適傳舉有道科中第是也

又前禮部尚書蘇公出為

益州長史白於路中投刺待以布衣之禮因謂羣寮曰

此子天才英麗下筆不休雖風力未成且見專車之骨

若廣之以學可以相如比肩也四海明識具知此談

唐書

蘇頌字廷碩開元四年進同紫微黃門平章事八年罷
為禮部尚書俄檢校益州大都督長史按察節度劍南
諸州釋名書姓字於奏白曰刺北齊書楊愔傳神武至
信都遂投刺棘門便蒙引見揚雄甘泉賦命羣寮歷吉
日班固與弟超書傳武仲以能屬文為蘭臺令史下筆
不能自休國語昔禹致羣臣於會稽之山防風氏後至
禹殺而戮之前此郡督馬公朝野豪彥一見盡

繆本少
盡字

禮許為竒才因謂長史李京之曰諸人之文猶山無煙

霞春無草樹李白之文清雄奔放名章俊語絡繹間起

光明洞徹

繆本作激

句句動人此則故交元丹親接斯議

按唐

書安州安陸郡設中都督府置都督一人正三品蓋即刺史之任長史一人正五品上

若蘇馬二

公愚人也復何足

繆本多一盡字

陳儻賢賢也白有可尚夫唐

虞之際於斯為盛有婦人焉九人而已是知才難不可

多得白野人也頗工於文惟君侯顧之無按劍也伏惟

君侯貴而且賢鷹揚虎視蓋若編貝膚如凝脂昭昭乎

若玉山上行朗然映人也而高義重諾名飛天京四方

諸侯聞風暗許倚劍慷慨氣干虹蜺月費千金日宴羣

客出躍駿馬入羅紅顏所在之處賓朋成市故時人

本繆

作節歌曰賓朋何喧喧日夜裴公門願得裴公之一言不

須驅馬埒

繆本
作將

華軒白不知君侯何以得此聲於天壤

之間豈不由重諾好賢謙以得也而晚節改操棲情翰

林天材超然度越作者屈佐郟

繆本
作邛

國時惟清哉稜威

雄雄下惜

繆本
作堪

羣物

應休連與侍郎曹長思書王肅以
宿德顯授何曾以後進見拔皆鷹

揚虎視有萬里之望漢書目若懸珠齒若編貝詩國風
膚如凝脂世說見裴叔則如玉山上行光映照人江淹
詩倚劍臨八荒曹植七啟揮袂則九野生風慷慨則氣
成虹蜺說文埽卑垣也韻會櫓宇之末曰軒魏都賦注
長廊之有窻也華軒謂華美之軒見二十五卷注晚節
暮年也見十五卷注漢書籍翰林以為主人子墨為客
卿李善注韋昭曰翰筆也翰林文翰之多若林也詩大
雅有壬有林是也此云林即文翰林猶儒林之意也元
和郡縣志安州春秋時鄆國太平寰宇記左氏傳曰鄆
人軍於蒲騷杜預注云鄆國在江夏郡雲杜縣楚滅之
按鄆國今安州城是也威稜見一卷大獵賦
注廣韻惛懾也埽音芳稜音楞惛音疊

白竊慕高

義已經十年雲山間之造謁無路今也運會得趨末塵

承顏接辭八九度矣常欲一雪心跡崎嶇未便何圖謗

言

繆本作畧

忽生衆口攢毀將恐

繆本作欲

投杼下客震於嚴威

然自明無辜何憂悔吝孔子曰畏天命畏大人畏聖人

之言過此三者鬼神不害若使事得其實罪當其身則

將浴蘭沐芳自屏於烹鮮之地惟君侯死生不然投山

竄海轉死溝壑豈能明目張膽託書自陳耶

史記臣所以去親戚

而事君者徒慕君之高義也度猶次也投杼用曾母事

見十一卷注楚辭浴蘭湯兮沐芳老子治大國若烹小

鮮河上公注鮮魚也烹鮮之地猶云鼎鑊也南史王藻

傳便當刊膚剪髮投山竄海史記陳餘傳將軍瞋目張

膽出萬死不顧一昔王東海問犯夜者曰何所從來答

生之計

杼音紆

曰從師受學不覺日晚王曰吾豈可鞭撻甯越以立威

名想君侯通人必不爾也

晉書王承遷東海太守有犯夜者為吏所拘承問其故答

曰從師受學不覺日暮承曰鞭撻甯越以立威名非政化之本使吏送令歸家論衡博覽古今者為通人又曰通書千篇以上萬卷以下弘暢雅言審定文讀而以教授為人師者通人也願君侯惠以大

遇洞開心顏終乎前恩再辱英盼白必能使精誠動天

長虹貫日直度易水不以為寒若赫然作威加以大怒

不許門下逐之長途白即膝行於前再拜而去西入秦

海一觀國風永辭君侯黃鵠舉矣何王公大人之門不

可以彈長劍乎

謝朓詩俯仰流英盼虹貫日易水寒見一卷注漢書項羽見諸侯將入轅門膝

行而前莫敢仰視秦海秦地也古以秦地為陸海故謂之秦海田饒謂魯哀公曰臣將去君黃鵠舉矣詳見二卷注彈劍見三卷注容齋四筆李太白上安州裴長史書裴君不知何如人至譽其貴而且賢名飛天京天才超然度越作者稜威雄雉下惜羣物予謂白以白衣入翰林其蓋世英姿能使高力士脫靴於殿上豈拘拘然怖一州佐者耶蓋時有屈伸正自不得不爾大賢不偶神龍困於螻蟻可勝嘆哉白此書自序其生平云昔與蜀中友人吳指南同遊指南死於洞廡之上白禪服慟哭炎月伏尸猛虎前臨堅守不動遂權殯於湖側數年來觀筋肉尚在雪泣持刃躬申洗削裏骨徒步負之而趨遂丐貨營葬於鄂城其存交重義如此又與逸人東巖子隱於岷山巢居數年不跡城市養奇禽千計呼皆就掌取食了無驚猜其養高忘機如此而史傳不為

書之亦
為未盡

李太白集注卷二十六

欽定四庫全書

李太白集注卷二十七

錢塘 王琦 撰

序二十首

暮春夏夏送張祖監丞之東都序

吁咄哉僕書室坐愁亦已久矣每思欲遐登蓬萊極目
四海手弄白日頂摩青穹揮斥幽憤不可得也而金骨
未變玉顏已緇何常不捫松傷心撫鶴歎息誤學書劍

薄遊人間紫微九重碧山萬里有才無命甘於後時劉
表不用於禰衡暫來江夏賀循喜逢於張翰且樂船中

宋書樂志旋駕犇汎青穹莊子禪斤八極神氣不變郭
象注揮斤猶解故也說文緇黑色也謝朓詩薄遊第從
告紫微天子所居之宮以擬天之紫微垣而名也後漢
書禰衡傳劉表及荊州士大夫先服其才名甚賓禮之
後侮慢於表表恥不能容以江夏太守黃祖性急故送
衡與之祖亦善待焉晉書會稽賀循赴命入洛經兵闔
門於船中彈琴張翰初不相識乃就循言談便大相欽悅
問循知其入洛翰曰吾亦有事北京便同載即去而不
告家

達人張侯大雅君子統泛舟之役在清川之湄談

玄賦詩連興數月醉盡花柳賞窮江山王命

繆本作
國祖有

程告以行邁烟景晚色慘為愁容繫飛帆於半天泛淥
水於遙海欲去不忍更開芳樽樂雖寰中趣逸天半平
生酣暢未若此筵至於清談浩歌雄筆麗藻笑飲醪酒

醉揮素琴余實不愧於古人也

左傳秦輸粟於晉自雍及絳相繼命之曰泛舟

之役詩國風行邁靡靡毛傳曰邁行也鄭箋曰行道也
道行猶行道也劉孝綽詩芳樽散緒寒梁簡文帝大愛
敬寺刹下銘序功超域外道邁寰中楚辭臨風帆兮浩
歌郭璞爾雅序英儒臨聞之士洪筆麗藻之客疏曰洪
大也麗美也藻水藻也有文以喻人之文章
言大有詞筆美於文章之客也素琴見二卷注揚袂遠別

何時歸來想洛陽之秋風將膾魚以相待詩可贈遠無

乃闕乎

張翰在洛見秋風起因思吳中蓴菜
羹鱸魚膾遂命駕而歸見廿二卷注

奉餞十七翁二十四翁尋桃花源序

名山洞天福地記桃花源山

周圍七十里名白馬玄光之天在朗州武陵縣一
統志桃源山在湖廣常德府桃源縣南二十里其
西南有桃源洞一名秦人洞洞北有桃花溪故老
傳云晉太元中武陵漁人沿溪行忽逢桃樹夾岸
復前行得一山山有小口便捨船入行數十步豁然
平曠屋舍儼然桑竹交通雞犬相聞男女耕種
怡然自樂見漁人驚問所從來為設酒殺村中聞
有此人咸來問訊自云先世避秦亂率妻子來此
不復出停數日送出漁人誌之太守即遣人隨所
誌速不復得路琦按桃花源自陶淵明作記之後
無人復至其地後人多云是仙境或云乃託言耳非實
境也好竒之士慕想不可得而指近地之山以當

之遂有桃花源山其實
非昔之桃花源矣

昔祖龍滅古道嚴威刑煎熬生人若墜大火三墳五典
散為寒灰築長城建阿房并諸侯殺豪俊自謂功高義
皇國可萬世思欲凌雲氣求仙人登封太山風雨暴作
雖五松受職草木有知而萬象乖度禮刑將弛則綺皓
不得不遁於南山魯連不得不蹈於東海則桃源之避
世者可謂超升先覺夫指鹿之儔連頸而同死非吾黨

之謂乎

祖龍見二卷注謂秦始皇楚解九思我心若煎
熱孔安國尚書序伏羲神農黃帝之書謂之三

墳言大道也少昊顓頊高辛唐虞之書謂之五典言常道也史記秦始皇三十四年丞相李斯請史官非秦紀皆燒之非博士官所職天下敢有藏詩書百家語者悉詣守尉雜燒之有敢偶語詩書棄市以古非今者族吏見知不舉者與同罪令下三十日不燒黥為城旦賈生過秦論乃使蒙恬北築長城而守藩籬卻匈奴七百餘里胡人不敢南下而牧馬士不敢彎弓而報怨三輔黃圖阿房宮亦曰阿城惠文王造宮未成而止始皇廣其宮規恢三百餘里離宮別館彌山跨谷輦道相屬閣道通驪山八十餘里表南山之巔以為闕絡拱川以為池作阿房前殿東西五十步南北五十丈上可坐萬人下建五丈旗以木蘭為梁以磁石為門周馳為複道度渭屬之咸陽以象太極閣道抵營室也過秦論墮名城殺豪俊史記秦始皇二十六年制曰朕聞太古有號無謚中古有號死而以行為謚如此則子議父臣議君也甚無謂朕勿取焉自今以來除謚法朕為始皇帝後世以

計數二世三世至於萬世傳之無窮二十八年始皇上
太山立石封祠祀下風雨暴至休于樹下因封其樹為
五大夫野客叢書按應劭云秦皇逢暴雨得五松因封
為五大夫獨異志始皇二十八年登封太山至半道忽
大風雷雨電路旁有五松樹蔭翳數畝乃封為五大夫
忽聞松上有人言曰無道德無仁禮而王天下妄名帝
何以封左右咸聞始皇不樂歸崩於沙丘綺皓遁南山
見二十二卷註魯連蹈東海見四卷注史記趙高欲為
亂恐羣臣不聽乃先設驗持鹿獻於二世曰馬也二世
笑曰丞相相誤矣謂鹿為馬問左右左右或默或言馬以
阿順趙高或言鹿者高因陰中諸言鹿者以法後羣臣
皆畏高李善文選註風俗通曰秦相趙高指鹿為馬東
蒲為脯二
世不覺

二翁耽老氏之言繼少卿之作文以述大雅

道以通至精卷舒天地之心脫落神仙之境武陵遺跡

可得而窺焉問津利往水引漁者花藏仙谿春風不知
從來落英何許流出石洞來入晨光盡開有良田名池
竹果森列三十六洞別為一天耶今扁舟而行笑謝人
世阡陌未改古人依然白雲何時而歸來青山一去而

誰往諸公賦桃源以羨之

史記老子修道德其學以自
隱無名為務居周久之見周

之衰乃遂去至闕關令尹喜曰子將隱矣強為我著書
於是老子乃著書上下篇言道德之意五千餘言而去
莫知其所終文選有李少卿與蘇武詩三首老氏之言
少卿之作俱切李氏事用何許猶何處也何晏景福殿
賦晨光內照流景外燧李善註晨光日光也述異記人
間三十六洞天知名者十耳餘二十六天出九微志扁

舟特舟也阡陌田間道也俱詳二卷註

夏曰

繆本於日字下多一奉字

陪司馬武公與羣賢宴姑熟亭

序

武公名幼成為宣州司馬見後趙公西侯亭頌江南通志太平府當塗縣有采虹橋即下浮橋

唐李陽冰建亭在其上李白序之名姑熟亭蓋走蕪湖道也

通驛公館南有水亭焉四薨翬飛巉絕浦嶼蓋有前攝

令河東薛公棟而宇之今宰隴西李公明化開物成務

又橫其梁而閣之畫鳴閒琴夕酌清月蓋為接輿軒祖

遠客之佳境也

說文莞屋棟也徐錯曰所以承瓦故從瓦詩小雅如鳥斯革如斲斯飛鄭箋曰

伊洛而南素質五色皆備成章曰翬翬者鳥之奇異者也孔穎達正義斯革斯飛言簷阿之勢似鳥飛也周易夫易開物成務冒天下之道左思吳都賦輜軒參擾李周翰註輜軒輕車也昔人多以輜軒為使車之通稱見九卷注 翬音萌 製置既久莫知何名司馬武公長材翬音揮輜音由

博古獨映方外因據胡牀岸憤嘯咏而謂前長史李公

及諸公曰此亭跨姑熟之水可稱為姑熟亭焉嘉名勝

槩自我作也

世說桓宣武引謝奕為司馬奕既上猶推布衣交在温座席岸憤嘯咏無異常日宣武

每曰我方外司馬方輿勝覽姑熟溪在太平州當塗縣南二里西入大江

且夫曹官紱冕

者大賢處之若遊青山卧白雲逍遙偃傲何適不可小

才居之窘而自拘悄若桎梏則清風朗月河英嶽秀皆
為棄物安得稱焉所以司馬南隣當文章之旗鼓翰林
客卿揮辭鋒以戰勝名教樂地無非得俊之場也千載

一時言詩紀志

司馬指武公翰林白自謂於時為客故曰客卿晉書思緒雲審辭鋒景煥世說

王平子胡毋彥國諸人皆以任放為達或有裸體者樂廣笑曰名教中自有樂地何為乃爾也

江夏送林公上人遊衡岳序

江南之仙山黃鶴之爽氣偶得英粹後生俊人林公世
為豪家此土之秀落髮歸道專精律儀白月在天朗然

獨出既灑落於彩翰亦諷誦

繆本作詩

於人

繆本口

方輿勝覽黃鶴

山一名黃鵠山在江夏縣東九里去縣西北二里有黃鶴磯顏延之宋武帝謚議英粹之熙正性自天南史王規傳王威明風韻道上神峯標映千里絕跡百尺無枝實俊人也梁書慈心深廣律儀清淨法苑珠林西方一月分為黑白初月一日至十五日名為白月十六日已去至於月盡名為黑月此文所云白月則指滿月而言也華嚴經何況如來金口所說閒雲無心與化偕往欲將振五樓之金

策浮三湘之碧波乘杯沂流考室名岳瞰憩冥壑凌臨諸天登祝融之峯巒望長沙之烟火遥謝舊國誓遺歸

蹤百千開士稀有此者

金策錫杖也見十五卷注三湘見一卷注神僧杯度常乘木杯

渡河見十卷注初學記衡山一峯名石園下有石室中
常聞諷誦聲冥壑幽谷也諸天見十九卷註一統志祝
融峯在衡山縣西北三十里位值離宮以配火德乃祝
融君遊息之所上有青玉壇道書以為第二十四福地
湖廣通志衡山有七十二峯其最高者為祝融峯舊傳
高九千七百三十丈或云祝融峯去地二萬丈唐盧載
詩五千里地望皆見七十二峯中最尊是也峯頂有風
穴每將雨則風自穴發又有雷池禱雨皆驗按唐書地
里志潭州長沙郡隸江南西道領長沙湘潭湘鄉益陽
醴陵瀏陽六縣開士見廿一卷贈衡岳僧方外詩注

予所以歎其峻節揚其清波龍象先輩迴眸拭視比夫
汨泥沙者相去如牛之一毛昔智者安禪於台山遠公

托志於廬嶽高標勝槩斯亦嚮慕哉

顏延年詩峻節貫
秋霜僧中能負荷

大法者謂之龍象見十二卷注張九齡詩相去九牛毛
慙歎知何已傳燈錄智顛禪師荊州華容人十五禮佛
像誓志出家况焉如夢見大山臨海際峯頂有僧招手
接入一伽藍云汝當居此年十八依僧法結出家陳大建
七年隱天台山佛隴峯有定光禪師先居此峯謂弟子
曰不久當有善知識領徒至此俄而師至光曰憶曠昔
舉手招引否師即悟禮像之徵悲喜交懷乃執手共至
菴所其夜聞空中鍾磬之聲師曰是何祥也曰是捷推
集僧得住之相此處金地吾已居之北峯銀地汝宜居
馬關山後宣帝建修禪寺割始豐縣調以充衆費及隋
煬帝請師受菩薩戒號師為智者師自始受禪教終乎
滅度常披一壞衲冬夏不釋來往居天台山二十二年
建造大道場一十二所國清景居其後神僧傳釋慧遠
欲往羅浮及屆潯陽見廬峯清淨足以息心始住龍泉
精舍此處去水本遠遠乃以杖叩地曰若此中可得栖
立當使朽壤抽泉言畢清流引出浚以成溪於是率衆

行道昏曉不絕釋迦餘化於斯復興自遠卜居廬阜三十餘年影不出山跡不入俗每送客遊履常以虎溪為界音骨紫霞搖心青楓夾岸目斷川上送君此行羣公臨流賦詩以贈

金陵與諸賢送權十一序

斯高柄秦嬴世不二三傑伏草與漢並出莽夷朱暉耿鄧乃起自古英達未必盡用於當年去就之理在大運

爾

李斯趙高執秦國之柄毒痛天下致嬴氏甫二世而亡於是三傑輔漢高以出定天下王莽篡漢耿奔鄧

禹之徒乃起而佐光武以致中興夷滅也朱暉火之光暉也漢以火德王故云史記高祖曰運籌策帷帳之中

決勝於千里之外吾不如子房鎮國家撫百姓給饋餼
不絕糧道吾不如蕭何連百萬之衆戰必勝攻必取吾
不如韓信此三人皆人傑也吾能用之此吾所以取天
下也三國志註江表傳曰有周瑜者與孫策同年亦英
成

我君六葉繼聖熙乎玄風三清垂拱穆然紫極天
人其一哉所以青雲豪士散在商鈞四坐明哲皆清朝

旅人韻會熙興也又廣也玄風清靜之風也玉海唐大
明宮內有三清殿楊巨元詩金臺殿角直三清雍

錄閣本大明宮圖有三清殿又韓詩外傳寒暑均則三
光清三光清則風雨時重拱無為之意詳見二十一卷

注漢書東方朔傳於是吳王穆然俛而深思顏師古注
穆然靜思貌紫極王者之居也見八卷注商鈞或隱於

市或漁於水也四坐明哲謂坐中諸賢旅人
謂未登仕籍奔走四方猶仲尼旅人之意
吾希風廣

成蕩漾浮世素受寶訣為三十六帝之外臣即四明逸
老賀知章呼余為謫仙人蓋寶錄耳而嘗採姪女於江
華收河車於清溪與天水權昭夷服勤爐火之業久矣
後漢書海內希風之流遂共相標榜章懷太子注希望
也廣成子古之仙人見二卷注寶訣道家修煉之訣三
十六帝見三卷注陳書出者稱為元首處者謂之外臣
賀知章事見二十四卷注姪女秉也河車鉛也皆煉丹
藥物參同契河上姪女靈而最神得火則飛不見埃塵
陰真君金液還丹歌云北方正氣名河車唐書地理志
道州江華郡屬江南西道清溪在池州秋浦縣唐書宰
相世系表權氏出自子姓商武丁之裔封於權其地南
郡當陽縣權城是也楚武王滅權遷於那處其孫因以
為氏秦滅楚遷大姓于隴西因居天水姪丑下切啞

去之子也冲恬淵靜翰才峻發唐文粹作才翰駿發白每一篇一

札皆昭夷之所操吁舍我而南若折羽翼時歲律寒苦

唐文粹天風枯聲雲帆涉漢罔若絕電縲本作電舉目四顧

霜天崢嶸銜杯叙離羣子賦詩以出餞酒仙翁李白辭

馬融廣成頌張雲帆鮑照詩人生條忽如絕電崢嶸言天氣之高也劉伶酒德頌銜杯漱醪

春於姑熟送趙四流炎方序在晉時為姑熟在唐時為宣州當塗縣詳

見廿五卷注趙蓋為當塗縣尉者也

白以鄒魯多鴻儒燕趙饒壯士蓋風土之然乎趙少翁

文苑英華
作公為是

才貌瓌雅志氣豪烈以黃綬作尉泥蟠當塗

亦雞棲鶴籠不足以窘束鸞鳳

一作鳳

耳

晉書儒林傳鴻儒碩學無乏於

時顏師古漢書注丞尉職卑皆黃綬後漢書中遭傾覆
龍德泥蟠三國志秦宓傳揚子雲潛心著述有補于世
泥蟠不津行參聖師韻會棲難所止
也 瓌音規棲音細或亦從西音讀以疾忌抵法遷於

炎方辭高堂而墜心指絕國以搖恨天與水遠雲連山

長借光景於頃刻開壺觴於洲渚黃鶴曉別愁聞命子

之聲青楓冥色盡是傷心之樹

絕國謂絕遠之地見五
卷注楚辭湛湛江水兮

上有楓目極千里兮傷春心

然自吳瞻秦日見喜氣上當攫玉擎摧

狼狐洗清天地雷雨必作冀白日迴照丹心可明巴陵

半道坐見還吳之棹令雪解而松柏振色氣和而蘭蕙

開芳僕西登天門望子於西江之上秦者長安帝都之地日見喜氣謂其

有振興之象上者指元宗攬玉弩謂親秉征伐之柄惟

狼狐謂勦滅安祿山之徒洗清天地謂宇宙清泰雷雨

必作謂大赦天下尚書帝命驄玉弩發驚天下易解卦

雷雨作解君子以赦過宥罪巴陵岳州也天門山在當

塗縣西南詳往不可何戚戚於路歧哉

秋於敬亭送從姪崑遊廬山序敬亭山在今江南寧國府宣城縣北

廬山在今江西九江府德化縣南山北
隸南康星子縣詳見前注 嵩音端

余小時大人令誦子虛賦私心慕之及長南遊雲夢覽
七澤之壯觀酒隱安陸蹉跎十年初嘉興季父謫長沙
西還時子拜見預飲林下嵩乃稚子嬉遊在傍今來有

成鬱負秀氣吾衰久矣見爾慰心申悲導當作道 舊破涕

為笑

子虛賦見一卷注方輿勝覽雲夢澤在安陸縣南
五十里預飲林下用阮籍叔姪為竹林之遊事見

十二卷注劉琨答盧諶
書舉觴對膝破涕為笑 方告我遠涉西登香爐長山橫

蹙九江却轉瀑布天落半與銀河爭流騰虹奔電溲射

萬壑此宇宙之竒詭也其上有方湖石井不可得而窺

馬廬山有香爐峯有瀑布水詳二十一卷注韻會溲水會也遠法師遊廬山記自托此山二十三載再踐石

門四遊南嶺東望香爐峯北眺九江傳聞有石井方湖中有赤鱗涌出野人不能叙直嘆其竒而已溲音叢

羨君此行撫鶴長嘯恨丹液未就白龍來遲使秦人著

鞭先往桃花之水孤負夙願慚歸名山文苑英華作慚未歸於名山

終期後來攜手五嶽情以送遠詩寧闕乎丹液仙藥見二卷注白龍

用陵陽子明事見十二卷注
桃花水即桃花源見二卷注

送黃鐘之鄱陽謁張使君序鄱陽郡即饒州隸江南西道鄱音婆

東南之美者有江夏黃公焉白竊飲風流嘗

郭本
作始

接談

笑亦有抗節玉立光輝炯

繆本
作罔

然氣高時英辯折天口

道可濟物志棲無垠

任昉宣德皇后令辯折天口而似
不能言李善注七畧曰齊田駢好

談論故齊人為語曰天口駢天口者言田駢子不
可窮其口若事天呂向注辯折謂分別事理也

鄱陽

張公朝野榮望愛客接士即原嘗春陵之亞焉每飲其

辭華懸榻見往

當作
侍

而黃公因訪古跡便從貴遊乃僑

裝撰行去國遐陟

原嘗春陵見七卷注陳蕃懸榻見十
四卷注鮑照詩僑裝多闕絕廣韻僑

客也撰定也僑裝謂客行之裝

撰行謂定行日遐陟遠行也

諸子銜酒惜別沾

繆本
作脫

中分贈沉醉烟夕惆悵涼月天南迴以變夏火西飛而

獻秋汀葭颯然海草微落夫子行邁我心若何毋金玉

爾音而有遐心湖水演

繆本
作悠

沔昂哉是行共賦武昌釣

臺篇以慰別情耳

火山星也下而西流則為秋候詳五
卷注謝朓詩汀葭稍靡靡廣韻汀水

際平沙也葭蘆也周朗報羊希書池上海草歲榮日蔓
行邁見本卷注詩小雅毋金玉爾音而有遐心正義曰
言汝雖不來當傳書信毋得自愛音聲貴如金玉不以
遺問我而有疏遠我之心恐遂疏已故以恩責之冀音
信不絕廣韻演水長流貌韻會沔流滿貌太平寰宇記
釣臺在武昌城下有石圻臨江懸峙四眺極目武昌記
云釣臺在城南方輿勝覽釣臺在武昌北門外大江中
郡志孫權嘗整陳于釣臺汀音廳葭音加演音衍沔

免音

早春於江夏送蔡十還家雲夢序

吾觀蔡侯奇人也爾其才高氣遠有四方之志不然何
周流宇宙太多耶白遐窮冥搜亦以早矣海草三綠不
歸國門又更逢春再結鄉思一見夫子冥心道存窮朝
晚以作宴驅烟霞以輔賞朗笑明月時眠落花斯遊無
何尋告睽索來暫觀我去還愁人

孫綽天台山賦序遠
寄冥搜李善注冥搜

搜訪幽冥也何遜詩五

載共衣裘一朝異睽索乃浮漢陽入雲夢鄉柰云叩歸

魂亦飛且青山綠楓累道相接遇勝因賞利君前行既

非遠離曷足多歎

廣韻柎楫也陶潛詩
秋月臨流別友生

柎音新

秋七月

結遊鏡湖無憊我期先子而往敬慎好去終當早來無

使耶川白雲不得復弄爾鄉中廖公及諸才子為詩略

謝之

詩國風匪我愆期毛傳曰愆過也憊與愆同耶川
即若耶溪與鏡湖俱在會稽詳見六卷注

秋日於太原南柵餞陽曲王贊公賈少公石艾尹

少公應舉赴上都序

按唐書地理志太原府有陽
曲縣有石艾縣天寶元年更

石艾為廣陽縣容齋隨筆唐人呼縣令為明府丞
為贊府尉為少府李太白集有餞陽曲王贊公賈

少公石艾尹少公序蓋陽曲丞尉石艾尉也贊公少公之語益奇班固西都賦實用西遷作我上都

張銑注上都西京也

天王三京北都居一其風俗遠蓋陶唐氏之人歟襟四

塞之要衝控五原之都邑雄藩劇鎮非賢莫居

三京謂西京東

京北京也唐以雍州為西京河南為東京太原為北京通典開元十一年以并州高祖起義之地置太原府號曰北京太平寰宇記并州大都督府天授元年置北都兼都督府開元十一年元宗行幸至此以此州王業所興又建北都仍改并州為太原府立起義堂碑以紀其事通典今之并州為太原府古唐國也昔帝堯為唐侯所封之國太平寰宇記并州太原郡其人有唐堯之遺教君子深思小人儉陋盧謚理劉司空表咸以并州之

地四塞為固東阻井陘西限藍谷前有太行之嶺後有句注之關廣韻控引也五原漢武帝所置郡唐時鹽州豐州勝州皆其故地去太原四百餘里詳見五卷注張載劍閣銘形勝之地匪親勿居則陽曲丞

王公神仙之胄也爾其學鏡千古知周萬殊又若少府

賈公以述作之雄也鼇弄筆海虎攬辭場又若石艾尹

少公廊廟之器口折黃馬手揮青萍咸道貫於人倫名

飛於日下實難沉屈永懷青霄劍有隱而氣衝七星珠

雖潛而光照萬壑

王氏一支相傳出自周靈王太子晉即與浮丘公仙去者故曰神仙之胄

駱賓王餞尹大官序請振詞鋒同開筆海王勃夫子廟碑盧舟獨泛乘學海之波瀾直轡高驅踐詞場之閭闕

蜀志許靖夙有名譽既以篤厚為稱又以人物為意雖
行事舉動未悉允當蔣濟以為大較廊廟器也莊子黃
馬驪牛三司馬彪曰牛馬以二為三曰牛曰馬曰牛馬
形之三也曰黃曰驪曰黃驪色之三也曰黃馬曰驪牛
曰黃馬驪牛形與色為三也故曰一與言為二二與一
為三也劉孝標廣絕交論騁黃馬之劇談呂延濟注莊
子曰惠施云黃馬驪牛三謂黃驪色為三也言辯者以
此為劇談也青萍劍名見九卷注後漢書郭林宗雖善
人倫而不為危言嚴論許劭少峻名節好人倫多所賞
識晉書桓彝有人倫識鑒拔才取士或出於無聞或得
之孩抱時人方之許郭人倫者品目人物之高下各為
倫類也曰下謂帝都見八卷注左思蜀都賦于青霄而
秀出張銑注霄天也七星謂北斗之星今年春皇帝有
暗用豐城劍氣冲牛斗間事見三卷注

事千畝湛恩八埏大搜羣才以緝邦政而王公以令宰

見舉賈公以王霸昇聞海激佇乎三千天飛期於六月

必有以也豈徒然哉

禮記天子為籍千畝冕而朱紘躬秉耒玉海開元二十三年正月巳

亥耕籍田大赦賜勳爵所謂湛恩八埏大搜羣才正指斯事漢書威武紛云湛恩汪濊顏師古注湛讀曰沉沉深也八埏八方也詳九卷注法苑珠林莊周說云有大鵬其形極大大鵬之背不知幾千里將欲飛時擊水三千里翼若垂天之雲搏扶搖而上去地九萬里方乃得逝要從北溟至於南溟一飛六月終不中息詩國風何其久也必有從兄太原主簿舒才革動時規謀匠物乃有以也

點翠幕進虹梁瓊羞霞開羽觴電舉然後抗目遠覽憑

軒高吟

繆本於此下多汾河鏡開漲藍都之氣色晉山屏列橫朔野之郊原四句

屏俗事於

煩襟結浮歡於落景俄而皓月生海來窺醉客黃雲出

闕半起秋色數君乃輟酌慷慨搖心促裝望丹闕而非

遠揮玉鞭而且去

太原縣隸河東道之太原府設主簿一人正九品上後漢書百官志注蕃

維盤固規謀弘遠潘岳籍田賦翠幕黥以雲布班固西都賦抗應龍之虹梁季善注梁形似龍而曲如虹也楚辭瑤敷蜜勺實羽觴些王逸注羽翠羽也觴觚也漢書酌羽觴兮銷憂劉德注羽觴酒疾行如羽也孟康曰羽觴酌也作生爵形有頭尾羽翼如淳曰以瑇瑁覆翠羽於下徹上見師古曰孟說是也張衡西京賦羽觴行而無斂劉良注羽觴杯上綴羽以速飲也謝靈運詩浮歡昧眼前沈照貫終始顏延年詩流雲鵲青闕皓月鑿丹宮謝靈運詩恭承古人意促裝返柴荆 然都感切耽上聲

白也不敏先鳴翰林幸

叨玳瑁之筵敢竭麒麟之筆請各探韻賦詩寵行

左傳平陰

之役先二子鳴劉楨瓜賦布象牙之席薰玳瑁之筵王勃春日孫學宅宴序俠客時有且傾鸚鵡之杯文人代輕聊舉麒麟之筆盧照鄰釋疾文東郊絕此麒麟筆西山秘山鳳凰柯按唐書改京城為西京東都為東京北都為北京乃天寶元年事而太白供奉翰林正在天寶初年此文有天王三京及先鳴翰林二句疑是其去國以後之作然天寶改元以後不見有耕籍事或是史臣失書亦未可定而改石艾縣為廣陽則正在天寶元年此文猶稱石艾不稱廣陽知為天寶以前作也三京之稱或在先時已有此名而翰林謂文翰之林蓋先作詩以為文林之倡耳

送戴十五歸衡岳序

白上探玄古中觀人世下察交道海內豪俊相識如浮

雲自謂德參夷顏才亞孔墨莫不名由口進實從事退

而風義可合者厥惟戴侯

人物志夫名非實用之不效故曰名由口進而實從事退

中情之人名不副實用之有

戴侯寓居長沙

繆本缺戴侯字邦本

缺寓

稟湖岳之氣少長咸洛窺霸王之圖精微可以入

神懿重可以崇德謨猷可以尊主文藻可以成化兼以

五材統以四美何往而不濟也

長沙之地在唐為潭州長沙郡隸江南西道有

洞庭湖有衡岳咸陽洛陽有古昔帝王霸主爭據之跡

君子所謂五材者勇智仁信忠也勇則不可犯智則不

可亂仁則愛人信則不欺忠則無二心四美承上四句而言

其二三諸昆皆以才秀

擢用辭翰炳發昇聞天朝而此君獨潛光後世

一作時

期大用鯤海未躍鵬霄悠然不遠千里訪予以道

郗本郗却

誤國之秀有廖侯馬人倫精鑒天下獨立每延以宴

許為通人獨孤有鄰及薛諸公咸亦以為信然矣

郗會郗說

文漢南之國地理沿革表德安府古郗子國一云在江夏集韻郗或作却人倫已見前二篇注言其有知人之明獨立猶獨步之意後漢書袁紹客多豪俊並有才說見鄭元儒者未以通人許之屬明主未夢

且歸衡陽憩祝融之雲峯弄菘莖之湍水軒騎糾合祖

於魏公之林亭笙歌鳴秋劍舞增氣况江葉墜綠沙鴻

冥飛登高送遠使人心醉見周張二子為論平生難黍

之期當速赴也

祝融峯見本卷送林公上人序注水經注邵陵水東北出益陽縣其間還流山

峽名之為茱萸江海錄碎事瀆江一名茱萸江在衡山縣一統志茱萸灘在湖廣寶慶府城北四十里瀆江水勢險惡昔人置銅柱於岸側以固牽挽俗謂五十三灘四十八灘此其首也糾亦合也左傳糾合諸侯而謀其不協高唐賦登高遠望使人心瘁李善文選注謝承後漢書山陽范式字巨卿與汝南張元伯為友春別京師以秋為期至九月十五日殺雞作黍二親笑曰山陽去此幾千里何必至元伯曰巨卿信士不失期者言未絕

而巨卿至

早夏於

繆本於字下
多一江字

將軍叔宅與諸昆季送傅八

之江南序

易曰觀乎人文以化成天下窮此道者其惟傅侯耶侯

篇章驚

當作
警

新海內稱善五言之作妙絕當時陶公愧

田園之能謝客慚山水之美佳句籍籍人為美談

北齊
書

蟲之美獨步當時陶淵明詩多言田園之適謝靈運詩多言山水之趣靈運小字客兒詳十六卷注前許

州司馬宋公蘊冰清之姿重傅侯玉潤之德妻以其子

鳳凰于飛潘楊之好斯為睦矣

唐時許州潁川郡隸河南道州設司馬一人從

五品下劉孝標世說注衛玠別傳玠娶樂廣女裴叔道曰妻婦有冰清之姿塔有璧潤之望所謂秦晉之匹也左傳初懿氏卜妻敬仲其妻占之曰吉是謂鳳凰于飛和鳴鏘鏘杜預注雄曰鳳雌曰凰雌雄俱飛相和而鳴鏘鏘然猶敬仲夫妻相隨適齊有聲譽潘岳楊仲武誄潘楊之睦有自來矣蓋岳乃楊之婿也故云潘楊之睦

僕不佞也忝於芳塵宴同一筵心契千古清酌連曉玄

談入微歡攜無何

郭本作問

旋告睽折

一本作折 繆本作折

將軍叔雄

舊本皆作英 今依劉本

畧蓋古英明洞神天王貴宗誕育賢子八

龍增秀以列次五色相輝而有文會言高樂曉餞金門

洗德絃觴怡顏

上下似有缺文 人儉緄靖蕪汪與爾專並有名稱時人

後漢書荀淑有子八

謂之八龍初荀氏舊里名西豪穎陰令苑康以為昔高陽氏有才子八人今荀氏亦有八子故改其里曰高陽里朱明草木已盛且江嶂若畫賞盈前途自然屏間坐

遊鏡裏行到霞月千里足供文章之用哉

屏間謂列嶂如屏鏡裏謂

江明若鏡征帆空懸落日相逼二季揮翰詩其贈焉

冬日於龍門送從弟京兆參軍令問之淮南觀省

序

龍門山在河南府城西南詳十三卷注京兆即雍州也詳十八卷注參軍京兆尹之屬官

紫雲仙季有英風焉吾家見之若衆星之有月貴則天王之令弟寶則海岳之奇精遊者所謂風生玉林清明

蕭灑真不虛也

紫雲仙似其從弟之號季謂季弟也出曜經獨尊隻步無有儔匹猶如明月在

中 衆星

常醉目吾曰兄心肝五藏皆錦繡耶不然何開口

成文揮翰霧散吾因撫掌大笑揚眉當之使王澄再聞亦復絕倒觀夫筆走羣象思通神明龍章炳然可得而見

晉書琅邪王澄有高名少所推服每聞衛玠言輒歎息絕倒故時人為之語曰衛玠談道平子絕倒龍章言其文采炳煥若龍章之服也禮記有虞氏服敔夏后氏山殷火周龍章王勃文研精靡墨運思龍章 歲十

二月拜省於淮南思白華之長吟眺黃雲之晚色目斷心盡情懸高堂傾蘭醕而送行赫金鞍而照地錯轂躡

野朝英滿筵非才名動時何以及此

東哲補亡詩白華朱萼被於幽薄呂

延濟注喻孝子事父母之潔白如朱萼承白華于幽薄之中而鮮潔也唐高宗詩華冠列綺筵蘭醕申芳宴玉篇醕美酒也鮑照詩鞍馬光照地楚辭車錯轂子短兵接王逸注錯交也輪轂交錯也牛弘樂府揖讓皆時傑升降盡朝英醕私呂切胥上聲 醕日落酒罷前山陰烟殷勤惠言吾道

東坐想洛橋春色先到淮城見千條之綠楊折一枝以

相贈則華萼情在吾無恨焉羣公賦詩以光榮餞

謝瞻詩花

萼相光飾呂延濟注花萼喻兄弟也琦按萼花蒂也花萼相倚附不能相離故古人取之以為兄弟之喻

江夏送倩公歸漢東序

漢東隨州也本春秋時隨子之國其地在漢水之東

左傳漢東之國隨為大是也後世以其地置州謂之隨州隋時改稱漢東郡蓋依此立名唐自天寶以前名隨州天寶初改漢東郡乾元初復為隨州

謝安四十

繆本作昔謝安四十

卧白雲於東山桓公累徵為蒼生

而一起常與支公遊賞貴而不移大人君子神冥契合

正可乃爾僕與倩公一

郭本缺一字

面不忝古人言歸漢東

使我心痲夫漢東之國聖人所出神農之後季

郭本作李誤

良為大賢爾來寂寂無一物可紀有唐中興始生紫陽

先生先生六十而隱化若繼跡而起者惟倩公焉蓄壯

志而未就期老成於他日且能傾產重諾好賢攻文即
惠休上人與江鮑往復各一時也僕平生述作罄其草
而授之思親遂行流涕惜別今聖朝已捨李布當徵賞
生開顏洗目一見白日冀相視而笑於新松之山耶作

小詩絕句以寫別意

世說注續晉陽秋曰謝安愆游山
水以數文析理自娛祖溫在西藩

欽其盛名諷朝廷請為司馬以世道未夷志存匡濟年
四十起家應務晉書謝安寓居會稽與王羲之及高陽
許詢桑門支遁游處出則漁弋山水入則言詠屬文無
處世意東山蒼生已見七卷注詩國風願言思伯使我
心痲毛傳曰痲病也元和郡縣志厲山亦名烈山在隨
州隨縣北百里禮記曰厲山氏炎帝也起于厲山故曰

厲山氏太平寰宇記荊州記云隨地有厲鄉村有厲山下有一穴是神農所生穴也穴口方一步容數人立今穴口石上有神農廟在方輿勝覽荊州記隨州厲山有石穴云是神農所生遂即此地為神農社常年祀之李良隨之賢大夫諫隨君無追楚師事載左傳桓公六年紫陽先生胡公見三十卷紫陽先生碑銘惠休上人見十二卷注廣韻罄盡也季布事見十一卷辭曰繆本少辭注微賈生見二十五卷注 痲音昧 辭曰繆本少辭

彼美漢東國川藏明月輝寧知喪亂後更有一珠歸新序

珠產江漢玉產崑山荊州記荆蘊玉以潤其巨漢舍珠而清其域 按繆本詩中重錄此文而寂寂作寂寞辭曰作李白辭彼美作路入凡六字不同蓋未及刪正也

錢李副使藏用移軍廣陵序

通鑑上元元年宋州刺史劉展領淮西節

度副使劉強自用為其上者多惡之時有謠言曰
手執金刀起東方節度使王仲昇使監軍使內左
常侍邢延恩入奏展偃僵不受命姓名應謠識請
除之延恩因說上曰展方極強兵宜以計去之請
除展江淮都統代李垣俟其釋兵赴鎮中道執之
此一夫之力耳上從之以展為都統淮南東江南
西浙西三道節度使密勅舊都統李垣及淮南東
道節度使鄧景山圖之延恩以制書授展展疑之
曰展自陳留參軍數年至刺史可謂暴貴矣江淮
租賦所出今之重任展無熟勞又非親賢一旦恩
命寵擢如此得非有譏人間之乎因泣下延恩懼
曰公素有才望主上以江淮為憂故不次用公公
反以為疑何哉展曰事苟不欺印節可先得乎延
恩曰可乃馳詣廣陵與垣謀解印節以授展展得
印節乃上表謝恩悉舉宋州兵七千趨廣陵延恩
知展已得其情還奔廣陵與李垣鄧景山發兵拒

之移撤州縣言展反展亦移撤言垣反州縣莫知
所從垣引兵渡江屯京口景山將萬人屯徐城展
素有威名御軍嚴整江淮人望風畏之展倍道先
期至使人問景山曰吾奉詔書赴鎮此何兵也景
山不應展使其將孫待封張法雷擊之景山衆潰
與延恩奔壽州展引兵入廣陵遣其將屈突孝標
將兵三千徇濠楚王暉將兵四千略淮西展軍於
白沙設疑兵於瓜州若將趨北固者垣悉銳兵守
京口以待之展乃自上流濟襲下蜀垣軍聞之自
潰垣奔宣城甲午展陷潤州丙申陷昇州李垣之
去潤州也副使李藏用謂垣曰處人尊位食人重
祿臨難而逃之非忠也以數十州之兵食三江五
湖之險固不發一天而棄之非勇也夫忠與勇何
以事君藏用請收餘兵竭力以拒之垣乃悉以後
事授藏用藏用收散卒得七百人東至蘇州募壯
士得二千人立柵以拒展與展將張景超孫待封

戰於郁墅兵敗奔杭州景超遂據蘇州待封進陷湖州
景超進逼杭州藏用使其將溫晁屯餘杭展將下江
州徇江西於是屈突孝標陷濠楚等州王暉陷舒和
滁廬等州所向無不摧靡聚兵萬人騎三千橫行江
淮間上命平盧兵馬使田神功將所部精兵三千討
展展聞之始有懼色自廣陵將兵八千拒之選精兵
二千渡淮擊神功於都梁山展敗走至天長以五百
騎據橋拒戰又敗展獨與一騎亡渡江上元二年正
月張景超引兵攻杭州敗李藏用將李禮於石夷門
孫待封自武康南出將會景超攻杭州溫晁據險擊
敗之辛亥夜神功遣特進范知新等將四千人自白
沙濟西趨下蜀展擊之不勝弟殷勸展引兵逃入海
可延歲月展曰若事不濟何用多殺人父子乎死早
晚等耳遂更率衆力戰將軍賈德林射展中目而
仆遂斬之孫待封詣藏用降張景超聚兵至七千
餘人聞展死恚以兵投張法雷使攻杭州景超逃

入海法雷至杭州李蕝
用擊破之餘黨皆平

夫功未足以蓋世威不可以震主必挾此者持之安歸
所以彭越醢於前韓信誅於後况權位不及於此者虛
生危疑而潛包

繆本作苞

禍心小拒王命是以謀臣將啖以節
鉞誘而烹之亦由借鴻濤於奔鯨鱗生人於哮虎呼吸

江海橫流百川左縈右拂十有餘郡國計

文苑英華作討

未及

誰當其鋒

抱朴子功蓋世者不賞威震主者身危漢書高帝紀十一年春正月淮陰侯韓信謀反長

安夷三族三月梁王彭越謀反夷三族山云越醢於前信誅于後恐誤漢書黥布傳漢誅梁王彭越盛其醢以

偏賜諸侯何承天鼓吹鏡歌西川無潛鱗北渚有奔鯨
詩大雅闕如虢虎史記若夫泗上十二諸侯左縈而右
拂之可一我副使李公勇冠三軍衆無一旅橫倚天之
旦而盡也

劍揮駐日之戈吟嘯四顧熊羆雨集蒙輪扛鼎之士杖
干將而星羅上可以決天雲下可以絕地維翕振虎旅
赫張王師退如山立進若電逝轉戰百勝殪屍盈川水
膏於滄溟陸血於原野一掃瓦解洗清全吳可謂萬里
長城橫斷楚塞不然五嶺之北盡餌於修蛇勢盤地蹙
不可圖也

梁書馬仙琕每戰勇冠三軍當其衝者莫不
摧破左傳有田一成有衆一旅杜預注方十

里為成五百人為旅宋玉大言賦長劍耿耿倚天外淮
南子魯陽公與韓構戰酣日暮援戈而揮之日為之返
三舍陸機辨亡論哮囁之郡風驅熊羆之衆霧集王褒
四子講德論莫不風馳而集襲雜並至左傳狄虺彌建
大車之輪而蒙之以甲以為櫓左執之右拔戟以成一
隊杜預注蒙覆也史記項籍長八尺餘力能扛鼎裴駘
注韋昭曰扛舉也索隱曰說文云扛橫關對舉也音江
盧思道為隋檄陳文扛鼎蒙輪之卒事均驅兕干將劍
名又戟名見十一卷注班固西都賦列卒周匝星羅雲
布呂延濟注星羅雲布言衆也莊子說劍篇上決浮雲
下絕地紀列子折天柱絕地維張衡西京賦陳虎旅於
飛廉李善注周禮虎賁下大夫旅賁氏中士也鬻子紂
虎旅百萬陳於商郊琦按太白所謂虎旅指有力如虎
之衆耳與李氏所解有異禮記總干而山立武王之事
也曹植七啟飛軒電逝獸隨輪轉嵇康詩風馳電逝躡
景追飛此借用其字以喻士卒進退用命之狀山立言

其如山之峙卒難動搖電逝言其如電之流倏忽驟至
淮南子紂之地左東海右流沙前交趾後幽都師起容
關至浦水士億有餘萬然皆倒矢而射倭戟而戰武王
左操黃鉞右執白旄以麾之則瓦解而走遂土崩而下
杜氏通典自北徂南入越之道必由嶺嶠時有五處塞
上嶺一也今南康郡大庾嶺是騎田嶺二也今桂陽郡
臘嶺是都龐嶺三也今江華郡永明嶺是吐渚嶺四也
今江華界白芒嶺是越城嶺五也今始安郡北零陵郡
南臨源嶺是西自衡山之南東窮于海一山之
限也文謂五嶺之北蓋指江南江西二道而言而功大
用小天高路遐社稷雖定於劉章封侯未施於李廣使
慷慨之士長吁青雲且移軍廣陵恭揖後命組練照雪
樓船乘風簫鼓沸而三山動旌旗揚而九天轉

漢書文
帝紀高

后崩諸呂謀為亂欲危劉氏丞相陳平太尉周勃朱虛
侯劉章等共誅之李廣傳廣與望氣王朔語曰自漢征
匈奴廣未嘗不在其中而諸妄校尉以下材能不及中
以軍功取侯者數十人廣不為後人然終無尺寸功以
得封邑者何也豈吾相不當侯耶朔曰將軍自念豈嘗
有恨者乎廣曰吾為隴西守羌嘗反吾誘降者八百餘
人詐而同日殺之至今恨獨此耳朔曰禍莫大於殺已
降此乃將軍所以不得侯者也恭揖後命敬謹遜讓而
俟天子之後命也組練見十一卷注樓船見四卷注元和
郡縣志三山在湖州上元縣西南五十里晉王濬伐吳
宿於牛渚部分明日前至三山即此也江南通志三山
在江寧府江寧縣西南五十七里下臨大江三峰排列
故名昔王濬伐吳順流良牧出祖烈將登筵歌酣易水
鼓棹徑造三山即此地

之風氣振武安之瓦海日夜色雲帆

繆本作河

中流席闌賦

詩以壯三軍之事白也筆已老矣序何能為

良牧見十一卷注易

水風見一卷注武安瓦見六卷注雲帆見三卷注
通鑑上元二年秋七月以試少府監李藏用為浙西節
度副使冬十月江淮都統崔圓署李藏用為楚州刺史
考異曰劉展亂紀云劉展既平諸將爭功酬賞未及李
藏用崔圓乃署藏用為楚州刺史領二城而居盱眙按
寶錄七月藏用已除節度副使蓋恩命未到耳又獨孤
及有為杭州李使君論李藏用守杭州功表云今都統
使停本職已罷孤軍無主莫知適從將士嗷嗷未有所
隸天高聽邈無人為言遂使殊勲見委忠節未錄口不
言賞賞亦不及恐非聖朝旌有德表有功之義此文所
謂社稷雖定於劉章封侯未施于李廣蓋亦有深慨矣
未幾而藏用之牙將高幹挾故怨使人詣廣陵告藏用
反先以兵襲之藏用走幹追殺之崔圓不能明其寃遂
薄責藏用將吏以驗之將吏畏皆附成其狀獨孫待封

堅言不反且曰吾始從劉大夫奉詔書來赴鎮人謂吾反李公起兵滅劉大夫今又以李公為反如此誰則非反者吾寧就死不能誣人以非罪圖亦斬之蓋大亂之後刑賞之謬乃如此

澤畔吟序

郭本作澤畔吟詩序

澤畔吟者逐臣崔公之所作也公代業文宗早茂才秀起家校書蓬山再尉關輔中佐於憲車因貶湘陰從官二十有八載而官未登於郎署何遇時而不偶耶所謂

大名難居碩果不食流離乎沅湘摧頽

繆本作頽

於草莽

後漢

書是時學者稱東觀為老氏藏室道家蓬萊山太僕鄧康遂薦竇章入東觀為校書郎關輔關中三輔之地詳

十八卷注湘陰縣名隸岳州巴陵郡後漢書馬融傳安
帝親政召還郎署史記大名之下難以久居周易剝之
上九碩果不食孔穎達正義云處卦之終獨得完全不
被剝落猶如碩大之果不為人食也沅湘謂沅水湘水
二水俱經長沙入洞庭詳二十三卷註 同時得罪者數十人或才長命天

覆巢蕩室崔公忠憤義烈形於清辭慟哭澤畔哀形翰
墨猶風雅之什聞之者無罪觀之者作鏡書所感遇總

二十章名之曰澤畔吟懼奸臣之猜常韜之於竹簡酷
吏將至則藏之於名山前後數四蠹傷卷軸

漢書司馬遷傳僕誠

已著此書藏之名山觀其逸氣頓挫英風激揚橫波遺
傳之其人通邑大都

流騰薄萬古至於微而彰婉而麗悲不自我興成他人
豈不云怨者之流乎余覽之愴然掩卷揮涕為之序云

夏日諸從弟登汝州龍興閣序

汝州唐時
隸河南道

夫槿榮芳園蟬嘯珍木蓋紀乎南火之月也可以處臺

榭居高明

月令仲夏之月鹿角解蟬始鳴半夏生木莖
榮是月也可以居高明可以遠眺望可以升

山陵可以處臺榭鄭康成注順陽在上也高明謂樓觀
也闡者謂之臺有木者謂之榭珍木見二卷注南火謂
大火星於仲夏昏時
正當南方詳九卷注吾之友于順此意也遂卜精勝得

乎龍興留寶馬於門外步金梯於閣上漸出軒戶霞瞻

雲天晴山翠遠而四合暮江碧流而一色屈指鄉路還

疑夢中開襟危欄宛若空外

寶馬見五卷注金梯見二十五卷注

嗚呼屈宋

長逝無堪與言起予者誰得我二季當揮爾鳳藻挹子

霞觴

郭本繆本作搜乎需觴文苑英華作飛乎鸞觴今從劉本

與白雲老兄俱莫負

古人也

盧照鄰釋疾文謁龍主於武帳揮鳳藻於文昌

秋夜於安府送孟贊府兄還都序

安府安州也唐於州說中都督

府故曰安府贊府縣丞已見本卷注

夫士有飾危冠佩長劍揚眉吐諾激昂青雲者咸誇炫

意氣託交王侯若告之急難乃十失八九我義兄孟子

則不然耶

莊子使子路去其危冠解其長劍陸德明道音釋李云危高也子路好勇冠似雄雞形道

合而襟期暗親志乖而肝膽楚越鴻鸞鳳立不循常流

孔明披書每觀於大略少君讀易時作於小文四方賢豪

眩然景慕雖長不過七尺而心雄萬夫至於酒情中酣天

機俊發則談笑滿席風雲動天非嵩丘騰精何以及此

莊子

自其異者視之肝膽楚越也沈約齊故安陸昭王碑文鴻鸞舊吳作守東楚呂向注鸞飛也江淹詩一言鳳獨立再說鸞無羣三國志注魏畧曰諸葛亮在荊州以建安初與潁川石廣元徐元直汝南孟公威等俱遊學三

人務於精熟而亮獨觀其大畧漢武帝外傳藹遠字子
訓齊國臨淄人李少君之邑人也見少君有不死之道
遂以弟子之禮事少君而師事焉性好清淨嘗閉居積
易時作小小文疏皆有意義此文以為少君事疑誤嵩
丘騰精謂嵩山精靈白以弱植早飲香名况親承光輝
之氣降生孟督府

恩甚華萼他鄉此別誰無恨耶顏延年詩弱植慕端操
盧思道盧記室誄善價

斯待香名允集華萼已見本卷注太白與孟雖異姓
而情不啻昆弟故曰恩甚華萼而稱之曰義兄也時

林風吹霜散下秋草海鴈嘶月孤飛朔雲驚魂動骨長

瑟落涕抗手緬邁傷如之何且各賦詩以寵行繆本作歧路

江淹四時賦軫琴情動曼瑟涕落曼瑟猶鼓瑟也抗手
舉手拜別也見十七卷注緬邁遠行也張九齡詩云胡

當此時細
遊復為客

春夜宴從弟桃花園序

夫天地者萬物之逆旅也光陰者百代之過客也而浮生若夢為歡幾何古人秉燭夜遊良有以也况陽春召我以烟景大塊假我以文章會桃李之芳園序天倫之樂事羣季俊秀皆為惠連吾人詠歌獨慙康樂幽賞未已高談轉清開瓊筵以坐花飛羽觴而醉月不有佳作何伸雅懷如詩不成罰依金谷酒數

繆本數字上多一斗字
逆旅客舍

也詳二十四卷注魏文帝與吳質書古人思秉燭夜遊
良有以也江淹詩烟景抱空意蘅杜緞幽心大塊天地
也見三卷注天倫兄弟也見十五卷注宋書謝惠連幼
而聰敏年十歲能屬文族兄靈運深相知峻謝朓詩瓊
筵妙舞絕桂席羽觴陳羽觴已見前注左思吳都賦飛觴
舉白劉良注飛觴行觴疾如飛也成公綏洛襖賦列樽
壘飛羽觴石崇金谷詩序遂各賦詩
以叙中懷或不能者罰酒三斗

冬夜於隨州紫陽先生飡霞樓送烟子元演隱仙

城山序

吾與霞子元丹烟子元演氣激道合結神仙交殊身同
心誓老雲海不可奪也歷行天下周求名山入神農之

故鄉得胡公之精術

文苑英華作字元丹疑即元丹丘也蓋名與字之稍殊耳上安州

裴長史書曰故交元丹親接斯議是其結納固已久矣元演約是其弟胡公即紫陽先生詳見三十卷注紫陽先生碑銘初學記盛弘之荊州記曰隨郡北界有厲鄉村村南有厲山山下有一穴老相傳云神農所生林西有壑兩重壑內周圍一項二十畝地中有九井神農既育九井自穿汲一井則泉井水動即以此為神農社年常祀之庖犧生乎陳神農育乎楚考籍應圖於是乎在胡公身揭日月心飛蓬萊

起食霞之孤樓鍊吸井之精氣延我數子高談混元金

書玉訣盡在此矣

莊子昭昭乎若揭日月而行後漢書外運混元內侵毫芒章懷太子註混

元天地之總名也武帝內傳尊母欲得金書秘字六甲靈飛左右策精之文十二事授劉徹梁丘子黃庭內景

玉經序黃庭內景經一名大帝金書扶桑大帝君宮中
盡誦此經以金簡刻書之故曰金書太平廣記張楷有
玉訣金匱之學坐在立亡之道白乃語及形勝紫陽因大誇仙城元侯

聞之乘興將往別酒寒酌醉青田而少留夢魂曉飛度

淥水以先去

古今注烏孫國有青田核莫測其樹實之形至中國者但得其核耳得清水則有酒

味出如醇美好酒核大如六升瓠空之以盛水俄而成酒劉章得兩核集賓客設之嘗供三十人之飲一核盡一核所盛以復飲盡隨更注水隨盡隨盛不可久置久置則苦不可飲名曰青田酒吾不凝滯

於物與時推移出則以平交王侯遁則以俯視巢許朱
紘狎我綠蘿未歸恨不得同棲烟林對坐松月有所款

然銘契潭石乘春當來且抱琴卧花高枕相待詩以寵

別賦而贈之

楚辭漁父曰聖人不凝滯於物而能與世推移朱絨見十一卷注陸雲與戴季甫書

欽愛之情
款然至寶

李太白集注卷二十七